



史記卷四十

漢

太

史

令司馬遷

撰

宋

中郎

外兵曹

參軍

裴駰

集解

唐

國子博士

弘文館學士

司馬貞

索隱

唐

諸王侍讀

率府長史

張守節

正義

楚世家第十

楚之先祖出自帝顓頊高陽高陽者黃帝之孫昌意之

子也高陽生稱

正義音尺證反

稱生卷章卷章生重黎

集解徐廣曰世

本云老童生重黎及吳回譙周曰老童即卷章索隱重

氏黎氏二官代司天地重為木正黎為火正據左氏少

昊氏之子曰重顓頊氏之子曰黎今以重黎為一人乃

乾隆四年校刊

史記卷四十一

世家

後曰重黎對彼重則單稱黎若自言當家則稱重黎故
楚及司馬氏皆重黎之後非關少昊之重愚謂此解為
當重黎為帝嚳高辛居火正索隱此重黎為火正彼少
昊氏之後重自為木正知
此重黎即甚有功能光融天下帝嚳命曰祝融集解虞
彼之黎也翻曰祝
昭曰祝始也韋共工氏作亂帝嚳使重黎誅之而不盡帝
乃以庚寅日誅重黎而以其弟吳回為重黎後復居火
正為祝融吳回在陸終陸終生子六人坼剖而產焉集解
干寶曰先儒學士多疑此事譙允南通才達學精核數
理者也作古史考以為作者妄記廢而不論余亦尤其
生之異也然案六子之世子孫有國升降六代數千年
間迭至霸王天將興之必有尤物乎若夫前志所傳脩
已背坼而生禹簡狄育剖而生契歷代久遠莫足相證
近魏黃初五年汝南屈雍妻王氏生男兒從右腋下水
腹上出而平和自若數月創合母子無恙斯蓋近事之
信也以今況古固知注記者之不妄也天地云為陰陽

變化安可守之一端概以常理乎詩云不坼不副無災
無害原詩人之旨明古之婦人嘗有坼剖而產者矣又
有因產而遇災害者故美其無害也索隱其長一曰昆
系本云陸終娶鬼方氏之妹謂之女嬪其長一曰昆
吾集解者衛是也索隱系本云其一日樊是為昆吾宋忠曰
昆吾國名已姓所出左傳曰衛侯夢見披髮登昆吾之
觀今濮陽城中有昆吾臺是正義括地志云濮陽縣古
昆吾國也昆吾故城在縣西三十二曰參胡
里臺在縣西百步即昆吾墟也集解駟案
胡者韓是也索隱系本云二曰惠連是
為參胡宋忠曰參胡國名斯姓無後三曰彭祖
日名翦為彭姓封於大彭世本曰彭祖者彭城是也索
隱系本云三日鑿鏗是為彭祖虞翻所云是也正義括
地志云彭城古彭祖國也外傳云殷末滅彭祖國也虞
翻云名翦神仙傳云彭祖諱鏗帝顓頊之玄孫至殷末
年已七百六十七歲而不衰四曰會人
老遂往流沙之西非壽終也集解駟案世本
也索隱系本云四曰求言是為鄩人宋忠曰求言名也
姬姓所出鄩國也正義括地志云故鄩城在鄭州新鄭

乾隆四年校刊

史記卷四十一

世家

十一

縣東北二十二里毛詩譜云昔高辛氏之土祝融之墟歷唐至周重黎之後妘姓處其地是為鄩國為鄭武公所滅

五曰曹姓集解駟案世本日曹姓者邾是也也索隱名也曹姓者諸曹所出也正義括地志云故邾國在六黃州黃岡縣東南百二十一里史記云邾子曹姓也

曰季連芊姓楚其後也索隱系本云六曰季連是為芊名也芊姓諸楚所出楚之姓季連者楚是也宋忠曰季連先芊音彌是反芊羊聲也

昆吾氏夏之時嘗為侯伯桀之時湯滅之彭祖氏殷之時嘗為侯伯殷之末世滅彭祖氏季連生附沮集解孫檢曰一作祖索隱沮音才叙反

附沮生宄熊其後中微或在中國或在蠻夷弗能紀其世周文王之時季連之苗裔曰鬻熊鬻熊子事文王蚤卒其子曰熊麗熊麗生熊狂熊狂生熊繹熊繹當周成王之時舉文武

勤勞之後嗣而封熊繹於楚蠻封以子男之田姓芊氏居丹陽集解徐廣曰在南郡枝江縣正義穎容三傳例

巴東縣東南四里歸故城楚子熊繹之始國也又熊繹墓在歸州秭歸縣輿地志云秭歸縣東有丹陽城周迴八里熊繹始封也**楚子熊繹與魯公伯禽衛康叔子牟晉侯燮**

齊太公子呂伋俱事成王熊繹生熊艾熊艾生熊黜索隱

一作黜音土感反黜音與但反與亶同字亦作亶也**熊黜生熊勝熊勝以弟熊楊為後**索隱鄒誕本作熊錫錫又作楊

熊楊生熊渠熊渠生子三人當周夷王之時王室微諸侯或不朝相伐熊渠甚得江漢間民和乃興兵伐庸集解杜預曰庸今上庸縣正義括地

庸國昔周武王伐紂庸蠻在焉**楊粵**索隱有本作楊雱音吁地正義至于鄂

乾隆四年校刊

身言卷四十一

世宗

三

正義五各反劉伯莊云地名在楚之西後徙楚今東鄂州是括地志云鄧州向城縣南二十里西鄂故城是楚鄂熊渠曰我蠻夷也不與中國之號諡乃立其長子康

為句亶王集解張瑩曰今江陵也**索隱**系本康作庸亶陽徙

都之**中子紅為鄂王**集解駟案九州記曰鄂今武昌**索隱**有本作襄紅音贊紅從下文熊

贊紅讀古史考及鄒氏劉氏等無音襄紅恐非也**正義**括地志武昌縣鄂王舊都今鄂王神即熊渠子之神也

少子執疵為越章王索隱系本無執字越作就**正義**即弒鄂王紅者也**皆在江**

上楚蠻之地及周厲王之時暴虐熊渠畏其伐楚亦去

其王後為熊母康集解徐廣曰母康早死熊渠卒子熊

摯紅立摯紅卒其弟弒而代立曰熊延索隱如此史意

譙周以為熊渠卒子熊翔立卒長子摯有疾少子熊延立此云摯紅卒其弟弒而自立曰熊延欲會此代系則

翔亦母康之弟熊渠者既卒母康又早卒其摯紅立而被延弒故史考言摯有疾而此言弒也**正義**譙周言摯有疾此言弒未詳宋均注樂緯云熊渠嫡嗣曰熊摯有惡疾不得為後別居於夔為楚附庸後王命曰夔子也

熊延生熊勇熊勇六年而周人作亂攻厲王厲王出奔

彘熊勇十年卒弟熊嚴為後熊嚴十年卒有子四人長

子伯霜中子仲雪次子叔堪索隱堪一作湛少子季徇索隱徇旬俊反

熊嚴卒長子伯霜代立是為熊霜熊霜元年周宣王初

立熊霜六年卒三弟爭立仲雪死叔堪亡避難於濮集解

杜預曰建寧郡南有濮夷**正義**按建寧晉郡在蜀南與蠻相近劉伯莊云濮在楚西南孔安國云庸濮在漢之

南按成公元年楚地千里孔說是也而少弟季徇立是為熊徇熊徇十六

年鄭桓公初封於鄭二十二年熊徇卒子熊罈立索隱罈音

乾隆四年校刊

鄂亦熊罽九年卒子熊儀立是為若敖若敖二十年周

幽王為犬戎所弒周東徙而秦襄公始列為諸侯二十

七年若敖卒子熊坎立是為霄敖索隱坎若感反霄敖一作茵又作欽

六年卒子熊駒立集解徐廣曰駒音舜索隱按玉篇駒在口部顧氏云楚之先即蚡昌也劉

音舜其近代本字有從目者故劉氏有舜音非也

是為蚡昌索隱古本蚡作蚡音憤昌音亡北反

或亡蚡昌十三年晉始亂以曲沃之故蚡昌十七年卒

蚡昌弟熊通弒蚡昌子而代立是為楚武王武王十七

年晉之曲沃莊伯弒主國晉孝侯十九年鄭伯弟段作

亂二十一年鄭侵天子之田二十三年衛弒其君桓公

二十九年魯弒其君隱公三十一年宋太宰華督弒其

君殤公三十五年楚伐隨集解賈逵曰隨姬姓杜預曰隨國今義陽隨縣正義括地

志云隨州外城古隨國地世本云楚武王墓在豫州新

息隨姬姓也武王卒師中而兵罷括地志云上蔡縣東

北五里隨曰我無罪楚曰我蠻夷也今諸侯皆為叛相侵

或相殺我有敝甲欲以觀中國之政請王室尊吾號隨

人為之周請尊楚王室不聽還報三十七年楚熊通怒

曰吾先鬻熊文王之師也早終成王舉我先公乃以子

男田令居楚蠻夷皆率服而王不加位我自尊耳乃自

立為武王與隨人盟而去於是始開濮地而有之五十

一年周召隨侯數以立楚為王楚怒以隨背已伐隨武

王卒師中而兵罷集解駟案皇覽曰楚武王冢在汝南郡銅陽縣葛陂鄉城東北民謂之楚

王岑漢永平中葛陵城北祝里社下於土中得銅鼎而名曰楚武王由是知楚武王之冢民傳言秦項赤眉之時欲發之輒頽壞填壓不得發也正義有本注葛陵鄉作葛陵鄉者誤也地理志云新蔡縣西北六十里有葛陵鄉即費長房投竹子文王熊賁立始都郢正義括地成龍之陂因為鄉名志云紀南故城在荊州江陵縣北五十里杜預云國都於郢今南郡江陵縣北紀南城是括地志云又至平王更城郢在江陵縣東北六文王二年伐申過鄧正義括地志云故里故郢城是也申城在鄧州南陽襄州安養縣北二十里春秋之鄧國莊十六年楚文王滅之鄧人曰楚王易取鄧侯不許也集解服虔曰鄧曼姓六年伐蔡正義豫州上蔡縣在州北七十里古蔡國也縣外城蔡國城也虜蔡哀侯以歸已而釋之楚疆陵江漢間小國小國皆畏之十一年齊桓公始霸楚亦始大十二年伐鄧滅之十三年卒子熊羆立集解

駟案史記音是為杜敖索隱杜作隱云古艱字壯側狀反杜敖五年欲殺其弟

熊惲索隱惲音紉粉反惲奔隨與隨襲弑杜敖代立是

為成王成王惲元年初即位布德施惠結舊好於諸侯

使人獻天子天子賜胙曰鎮爾南方夷越之亂無侵中

國於是楚地千里十六年齊桓公以兵侵楚至陘山正義

杜預云陘楚地潁川召陵縣南有陘亭括地志陘山在鄭州西南一百一十里即此山也楚成王使

將軍屈完以兵禦之正義屈曲勿反與桓公盟桓公數

以周之賦不入王室楚許之乃去十八年成王以兵北

伐許集解駟案地理志曰潁許君肉袒謝乃釋之二十

二年伐黃索隱汝南弋陽縣故黃國正義括地志云黃

國故城漢弋陽縣也秦時黃都嬴姓在光州

乾隆四年校刊

史記卷四十一

世家

六

定城縣四 二十六年滅英 集解徐廣曰年表及他本皆作英一本作黃 正義英國在

淮南蓋蓼國也 三十三年宋襄公欲為盟會召楚楚王

怒曰召我我將好往襲辱之遂行至孟 正義音于 遂執

辱宋公已而歸之三十四年鄭文公南朝楚楚成王北

伐宋敗之泓射傷宋襄公襄公遂病創死三十五年晉

公子重耳過楚成王以諸侯客禮饗而厚送之於秦三

十九年魯僖公來請兵以伐齊楚使申侯將兵伐齊取

穀 集解杜預曰濟北穀城縣 正義括地

志云穀在濟州東阿縣東二十六里 置齊桓公子雍

焉齊桓公七子皆奔楚楚盡以為上大夫滅夔夔不祀

祝融鬻熊故也 集解服虔曰夔楚熊渠之孫熊摯之後夔在巫山之陽秭歸鄉是也 索隱譙周

作滅歸歸即夔之 地名歸縣之鄉也 夏伐宋宋告急於晉晉救宋成王罷

歸將軍子玉請戰成王曰重耳亡居外久卒得反國天

之所開不可當子玉固請乃與之少師而去晉果敗子

玉於城濮成王怒誅子玉四十六年初成王將以商臣

為太子語令尹子上子上曰君之齒未也 集解杜預曰齒年也言尚

少而又多內寵絀乃亂也楚國之舉常在少者 集解賈

也 立 且商臣蠡目而豺聲忍人也 集解服虔曰言忍為不義 不可立也

王不聽立之後又欲立子職 集解賈逵曰職商臣庶弟也 而絀太子

商臣商臣聞而未審也告其傅潘崇曰何以得其實崇

曰饗王之寵姬 集解駟案 江芊而勿敬也商臣從之江

乾隆四年校刊

史記卷四十一

世家

七

芊正義芊怒曰宜乎王之欲殺若而立職也商臣告潘

崇曰信矣崇曰能事之乎集解服虔曰若立職子能事之曰不能能亡

去乎曰不能能行大事乎集解服虔曰謂弑君曰能冬十月商臣

以宮衛兵圍成王成王請食熊蹯而死集解杜預曰熊掌難熟冀久將

有外救不聽丁未成王自絞殺商臣代立是為穆王穆

王立以其太子宮子潘崇使為太師掌國事穆王三年

滅江集解杜預曰江國在汝南安陽縣四年滅六蓼六蓼皐陶之後集解

杜預曰六國今廬江六縣蓼國今安豐蓼縣八年伐陳十二年卒子莊王侶

立莊王即位三年不出號令日夜為樂令國中曰有敢

諫者死無赦伍舉入諫莊王左抱鄭姬右抱越女坐鍾

鼓之間伍舉曰願有進隱集解駟案隱謂隱藏其意曰有鳥在於阜

三年不蜚不鳴是何鳥也莊王曰三年不蜚蜚將冲天

三年不鳴鳴將驚人舉退矣吾知之矣居數月淫益甚

大夫蘇從乃入諫王曰若不聞令乎對曰殺身以明君

臣之願也於是乃罷淫樂聽政所誅者數百人所進者

數百人任伍舉蘇從以政國人大說是歲滅庸正義房州竹邑

縣今六年伐宋獲五百乘八年伐陸渾戎集解服虔曰陸渾戎在洛

西南正義尹姓遂至洛觀兵於周郊集解服虔曰觀兵陳兵示周也周

定王使王孫滿勞楚王集解服虔曰以郊勞禮迎之也楚王問鼎小大

輕重集解杜預曰示欲逼周取天下對曰在德不在鼎莊王曰子無阻

乾隆四年校刊

史記卷四十一

世家

八

九鼎正義喙許衛反凡戟有鉤喙鉤口之尖也言楚

國折鉤之喙足以為九鼎王孫滿曰嗚呼君王其忘之

乎昔虞夏之盛遠方皆至貢金九牧集解服虔曰使鑄

鼎象物集解賈逵曰象所百物而為之備使民知神茲

集解杜預曰圖鬼神百物之形使民途備之也桀有亂德鼎遷於殷載祀六百

日祀王肅曰載祀者猶言年也殷紂暴虐鼎遷於周德

之休明雖小必重集解杜預曰不可遷其姦回昏亂雖大必輕集解

杜預曰昔成王定鼎于郊集解杜預曰郊集解杜預曰今河南

成王定之索隱按周書郊維北山卜世三十七年七百

天所命也周德雖衰天命未改鼎之輕重未可問也楚

王乃歸九年相若敖氏集解駟案左人或讒之王恐誅

反攻王王擊滅若敖氏之族十三年滅舒集解杜預曰

有舒城也十六年伐陳殺夏徵舒徵舒弑其君故誅之也已

破陳即縣之羣臣皆賀申叔時使齊來不賀王問對曰

鄙語曰牽牛徑人田田主取其牛徑者則不直矣取之

牛不亦甚乎且王以陳之亂而率諸侯伐之以義伐之

而貪其縣亦何以復令於天下莊王乃復陳國後十七

年春楚莊王圍鄭三月克之入自皇門集解賈逵曰鄭

也鄭伯肉袒牽羊以逆集解賈逵曰肉袒牽羊示服為臣隸也曰孤不天

不能事君君用懷怒以及敝邑孤之罪也敢不唯命是

聽賓之南海若以臣妾賜諸侯亦唯命是聽若君不忘厲宣桓武集解杜預曰周厲王宣王鄭之所自出也鄭武公桓公始封之賢君也不絕其

社稷使改事君孤之願也非所敢望也敢布腹心楚羣

臣曰王勿許莊王曰其君能下人必能信用其民庸可

絕乎莊王自手旗左右麾軍引兵去三十里而舍遂許

之平集解杜預曰退潘尫入盟子良出質集解駟案潘尫楚大夫子

伯弟良鄭夏六月晉救鄭與楚戰大敗晉師河上遂至衡雍

而歸二十年圍宋以殺楚使也集解左傳宣十四年楚子使申舟聘于齊曰無

假道于宋華元曰過我而不假道鄙我也鄙我亡也殺其使者必伐我伐我亦亡也亡一也乃殺之楚子聞之

投袂而起九圍宋是也圍宋五月城中食盡易子而食析骨而炊

宋華元出告以情莊王曰君子哉遂罷兵去二十三年

莊王卒子共王審立共王十六年晉伐鄭鄭告急共王

救鄭與晉兵戰鄆陵晉敗楚射中共王曰共王召將軍

子反子反嗜酒從者豎陽穀進酒醉王怒射殺子反遂

罷兵歸三十一年共王卒子康王招立康王立十五年

卒子員立索隱員音雲是為邲敖康王寵弟公子圍集解

徐廣曰史記多作回子比子哲棄疾邲敖三年以其季父康王弟

公子圍為令尹主兵事四年圍使鄭道聞王疾而還十

二月己酉圍入問王疾絞而弑之集解荀卿曰以冠纓

邲謂之遂殺其子莫及平夏使使赴於鄭伍舉問曰誰

邲敖鄭謂之遂殺其子莫及平夏使使赴於鄭伍舉問曰誰

乾隆四年校刊

史記卷四十一

世家

為後集解服虔曰對曰寡大夫圍伍舉更曰共王之子

圍為長集解杜預曰伍舉更赴辭使從子比奔晉而圍

立是為靈王靈王三年六月楚使使告晉欲會諸侯諸

侯皆會楚於申伍舉曰昔夏啓有鈞臺之饗集解杜預

翟縣南有鈞臺集解商湯有景亳之命周武王有盟津之誓成王

有岐陽之蒐集解賈逵曰康王有豐宮之朝集解服虔

王廟所在也杜預曰豐在始平鄠縣東有靈臺康王於是朝諸侯穆王有塗山之會齊

桓有召陵之師晉文有踐土之盟君其何用靈王曰用

桓公集解杜預曰用會召陵之意也時鄭子產在焉於是晉宋魯衛不

往靈王已盟有驕色伍舉曰桀為有仍之會有緡叛之

集解賈逵曰仍緡國名也紂為黎山之會東夷叛之集解服虔曰黎

姓幽王為太室之盟戎翟叛之集解杜預曰君其慎終

七月楚以諸侯兵伐吳圍朱方八月克之囚慶封滅其

族以封徇曰無效齊慶封弑其君而弱其孤以盟諸大

夫集解杜預曰齊崔杼弑其君慶封反曰莫如楚共王

庶子圍弑其君兄之子員而代之立集解駟案穀梁傳

於是靈王使棄疾殺之七年就章華臺集解杜預曰南

在城下令內亡人實之八年使公子棄疾將兵滅陳十

年召蔡侯醉而殺之使棄疾定蔡因為陳蔡公十一年

伐徐以恐吳集解駟案左傳曰靈王次於乾谿以待之

乾隆四年校刊

史記卷四十一

世家

十一

王曰齊晉魯衛其封皆受寶器我獨不今吾使使周求鼎以為分其子我乎集解服虔曰有功德受分器析父對曰其子君

王哉集解賈逵曰析父楚大夫索隱據左氏此是右尹子革之辭史蓋誤也昔我先王熊

繹辟在荆山草露藍蕞集解徐廣曰蕞一作暴駟案服虔曰草露柴車素大輅也藍蕞

言衣微壞其以處草莽跋涉山林集解服虔曰草行日跋水行日涉以

事天子唯是桃弧棘矢以共王事集解服虔曰桃弧棘矢所以禦其災言楚

地山林無所出也齊王舅也集解服虔曰齊呂伋成王之舅晉及魯衛王母弟

也楚是以無分而彼皆有周今與四國服事君王將唯

命是從豈敢愛鼎靈王曰昔我皇祖伯父昆吾舊許是

宅集解服虔曰陸終氏六子長曰昆吾少曰季連季連楚之祖故謂昆吾為伯父也昆吾曾居許地故曰舊

許是宅今鄭人貪其田不我予今我求之其子我乎對曰

周不愛鼎鄭安敢愛田靈王曰昔諸侯遠我而畏晉今

吾大城陳蔡不羹集解韋昭曰三國楚別都也潁川定陵有東不羹襄城有西不羹賦皆千乘諸侯畏

地志云不羹故城在許州襄城縣東三十里地理志云此乃西不羹也

我乎對曰畏哉靈王喜曰析父善言古事焉正義左傳昭十二年

析父謂子革曰吾子楚國之望也今與王言如響國其若之何杜預云譏其順王心如響應聲也按此對王言

是子革之辭太史公云析父誤也析父時為王僕見子革對故歎也

十二年春楚靈王樂乾谿不能去也國人苦役初靈王會兵於申僂越大夫

常壽過索隱僂也殺蔡大夫觀起索隱觀音官起子從亡

在吳索隱從音才松反乃勸吳王伐楚為問越大夫常壽過而

乾隆四年校刊

史記卷四十一

世家

十一

作亂為吳間使矯公子棄疾命召公子比於晉至蔡與

吳越兵欲襲蔡令公子比見棄疾與盟於鄧集解杜預曰潁川鄧

陵縣西有鄧城正義括地志云故鄧城在豫州鄧城縣東三十五里按在古召陵縣西十里是也遂入

殺靈王太子祿立子比為王公子子哲為令尹棄疾為

司馬先除王宮觀從從師于乾谿令楚眾曰國有王矣

先歸復爵邑田室後者遷之楚眾皆潰去靈王而歸靈

王聞太子祿之死也自投車下而曰人之愛子亦如是

乎侍者曰甚是王曰余殺人之子多矣能無及此乎右

尹曰集解駟案左傳曰右尹子革請待於郊以聽國人集解服虔曰聽國人欲為

誰王曰眾怒不可犯曰且入大縣而乞師於諸侯王曰

皆叛矣又曰且奔諸侯以聽大國之慮王曰大福不再

祇取辱耳於是王乘舟將欲入鄢集解服虔曰鄢楚別都也杜預曰襄陽宜

城縣正義音偃括地志云故鄢城在襄州安養縣北三

里在襄州北五里南去荊州二百五十里按王自夏口

從漢水上入鄢也左傳云王公夏將欲入鄢是也括地

志云鄢水源出襄州義青縣西界託仗山水經云蠻水

即鄢水是也右尹度王不用其計懼俱死亦去王亡靈王於

是獨傍徨山中野人莫敢入王王行遇其故銷人集解

曰今之謂曰為我求食我已不食三日矣銷人曰新王

下法有敢饜王從王者罪及三族且又無所得食王困

枕其股而臥銷人又以土自代逃去王覺而弗見遂饑

不能起犇尹申無宇之子申亥曰吾父再犯王命集解服虔

日斷王旌執人於章華之宮王弗誅恩孰大焉乃求王遇王饑於釐

澤奉之以歸夏五月癸丑王死申亥家正義左傳云夏五月癸亥王縊

於申尹申亥是也申亥以二女從死并葬之是時楚國雖已立

比為王畏靈王復來又不聞靈王死故觀從謂初王比

日不殺棄疾雖得國猶受禍王曰余不忍從日人將忍

王王不聽乃去棄疾歸國人每夜驚曰靈王入矣乙卯

夜棄疾使船人從江上走呼曰靈王至矣國人愈驚又

使曼成然告初王比及令尹子皙曰王至矣國人將殺

君司馬將至矣集解杜預曰司馬謂棄疾君蚤自圖無取辱焉眾怒

如水火不可救也初王及子皙遂自殺丙辰棄疾即位

為王改名熊居是為平王平王以詐弒兩王而自立恐

國人及諸侯叛之乃施惠百姓復陳蔡之地而立其後

如故歸鄭之侵地存恤國中脩政教吳以楚亂故獲五

率以歸集解服虔曰五率蕩侯潘子司馬督囂尹午陵尹喜平王謂觀從恣爾所

欲欲為卜尹王許之集解賈逵曰卜師大夫官初共王有寵子五

人無適立乃望祭羣神請神決之使主社稷而陰與巴

姬集解賈逵曰共王妾埋璧於室內正義左傳云埋璧於太室之庭杜預云太室祖廟也召

五子齋而入康王跨之集解服虔曰兩足各跨靈王肘

加之子比子皙皆遠之平王幼抱而入再拜壓紐故康

王以長立至其子失之圍為靈王及身而弒子比為王

十餘日子皙不得立又俱誅四子皆絕無後唯獨棄疾

後立為平王竟續楚祀如其神符初子比自晉歸韓宣

子問叔向曰子比其濟乎對曰不就宣子曰同惡相求

如市賈焉集解服虔曰謂國人共惡靈王者如市賈之人求利也何為不就對曰

無與同好誰與同惡集解服虔曰言無黨於內當與誰共同好惡取國有五

難有寵無人一也集解杜預曰寵須賢人而固有人無主二也集解杜預

曰雖有賢人當有主無謀三也集解杜預曰謀策謀也有謀而無

民四也集解杜預曰民衆也有民而無德五也集解杜預曰四者既備當以德成之

子比在晉十三年矣晉楚之從不聞通者可謂無人矣

集解杜預曰晉楚之士從子比遊皆非達人族盡親叛可謂無主矣集解杜預曰無

親族集解服虔曰言靈王尚在無釁而動可謂無謀矣集解服虔曰言靈王尚在

為羈終世可謂無民矣集解杜預曰終身羈亡無愛徵

可謂無德矣集解杜預曰楚人無愛念者王虐而不忌集解杜預曰靈王暴虐無

所畏忌集解杜預曰楚人無愛念者子比涉五難以弑君誰能濟之有楚國者其棄

疾乎君陳蔡方城外屬焉正義方城山在許州葉縣西十八里也苛慝不

作盜賊伏隱私欲不違集解服虔曰不以私欲違民心民無怨心先神

命之國民信之芊姓有亂必季實立楚之常也子比之

官則右尹也數其貴寵則庶子也以神所命則又遠之

民無懷焉將何以立宣子曰齊桓晉文不亦是乎集解服虔

曰皆庶子集解服虔對曰齊桓衛姬之子也有寵於釐公有鮑叔

而出奔集解服虔對曰齊桓衛姬之子也有寵於釐公有鮑叔

牙賓須無隰朋以為輔有莒衛以為外主集解賈逵曰齊桓出奔莒

自莒先入有高國以為內主集解服虔曰國子皆齊之正卿從善如

流集解服虔曰言其疾施惠不倦有國不亦宜乎昔我文公狐季

姬之子也有寵於獻公好學不倦生十七年有士五人

有先大夫子餘子犯以為腹心集解賈逵曰子餘趙衰有魏犢賈

佗以為股肱有齊宋秦楚以為外主集解賈逵曰齊以女妻之宋贈之馬

楚享以九獻有樂卻狐先以為內主集解賈逵曰四姓秦送內之

云謂樂枝卻穀亡十九年守志彌篤惠懷棄民集解服虔曰皆

棄民民從而與之正義以懷惠棄民故民相從而歸心於文公故文公有國

不亦宜乎子比無施於民無援於外去晉晉不送歸楚

楚不迎何以有國子比果不終焉卒立者棄疾正義左

神一也有民二也令德三也寵貴四也居常五也有五利以去五難誰能害之杜預云獲神當璧拜也有民民

信也令德無苛慝也寵貴如叔向言也平王二年使費

無忌如秦集解服虔曰楚大夫索隱為太子建正義左

子之在蔡也即陽之女奔之生太娶婦婦好來未至無

忌先歸說平王曰秦女好可自娶為太子更求平王聽

之卒自娶秦女生熊珍更為太子娶是時伍奢為太子

太傅無忌為少傅無忌無寵於太子常讒惡太子建建

時年十五矣其母蔡女也無寵於王王稍益疏外建也

六年使太子建居城父守邊正義父音甫括地志云城父故城在許州葉縣東北

乾隆四年校刊

史記卷四十一

世家

末

四十五里卽杜預云襄城城父縣也又許州襄城縣東
四十里亦有父城故城一所服虔云城父楚北境乃是
父城之名非建所守杜預云言成父又誤也傳及酈元
水經注云楚大城城父使太子建居之卽十三州志云
太子建所居城父謂今亳州城父縣也按今亳州見有
城父縣是建所守者也地理志云潁川有父城縣沛郡
有城父縣此無忌又日夜讒太子建於王曰自無忌入
秦女太子怨亦不能無望於王王少自備焉且太子居
城父擅兵外交諸侯且欲入矣平王召其傅伍奢責之
伍奢知無忌讒乃曰王奈何以小臣疏骨肉無忌曰今
不制後悔也於是王遂囚伍奢而召其二子而告以免
父死乃令司馬奮揚召太子建欲誅之太子聞之亡奔
宋無忌曰伍奢有二子不殺者爲楚國患盍以免其父

召之必至於是王使使謂奢能致二子則生不能將死
奢曰尙至胥不至王曰何也奢曰尙之爲人廉死節慈
孝而仁聞召而免父必至不顧其死胥之爲人智而好
謀勇而矜功知來必死必不來然爲楚國憂者必此子
於是王使人召之曰來吾免爾父伍尙謂伍胥曰聞父
免而莫奔不孝也父戮莫報無謀也度能任事智也子
其行矣我其歸死伍尙遂歸伍胥彎弓屬矢出見使者
曰父有何罪以召其子爲將射使者還走遂出奔吳伍
奢聞之曰胥亡楚國危哉楚人遂殺伍奢及尙十年楚
太子建母在居巢正義廬州開吳吳使公子光伐楚遂

敗陳蔡取太子建母而去楚恐城郢

正義在江陵縣東北六里已解於前

按傳城郢在昭公三十三年下重言城郢杜預云楚初

吳之邊邑卑梁

正義卑梁邑近鍾離也

與楚邊邑鍾離小童爭桑

兩家交怒相攻滅卑梁人卑梁大夫怒發邑兵攻鍾離

楚王聞之怒發國兵滅卑梁吳王聞之大怒亦發兵使

公子光因建母家攻楚遂滅鍾離居巢楚乃恐而城郢

索隱去年已城郢今又重言據左氏昭二十三年城郢二十四年無重城郢之文是史記誤也十三年

平王卒將軍子常曰太子珍少且其母乃前太子建所

當娶也欲立令尹子西子西平王之庶弟也有義子西

曰國有常法更立則亂言之則致誅乃立太子珍是為

昭王昭王元年楚衆不說費無忌以其讒亡太子建殺

伍奢子尙與郤宛宛之宗姓伯氏子嚭及子胥皆奔吳

吳兵數侵楚楚人怨無忌甚楚令尹子常

正義名瓦左傳云囊瓦伐

吳誅無忌以說衆衆乃喜四年吳三公子

集解駟案昭二十七年二

公子奔楚公子掩餘奔徐公子奔楚楚封之以扞吳五

年吳伐取楚之六潛

正義故六城在壽州安豐縣南百

潛城楚之潛邑在

霍山縣東二百步七年楚使子常伐吳吳大敗楚於豫

章

正義今十年冬吳王闔閭伍子胥伯嚭與唐蔡俱伐

楚楚大敗吳兵遂入郢辱平王之墓以伍子胥故也吳

兵之來楚楚使子常以兵迎之夾漢水陣吳伐敗子常子

常亡奔鄭楚兵奔吳乘勝逐之五戰及郢已卯昭王出
奔庚辰吳人入郢集解駟案春秋云十一月庚辰昭王亡也至雲夢雲

夢不知其王也射傷王王走郢正義走音奏郢音云括地志云安州安陸縣城

本春秋時郢公之弟懷曰平王殺吾父集解服虔曰父

然立平王貪求無厭平王殺之今我殺其子不亦可乎郢公止之然恐

其弑昭王乃與王出奔隨正義括地志云隨州城外古隨國城隨姬姓也又云楚昭

王城在隨州縣北七里左傳云吳師入郢吳王聞昭王

往即進擊隨謂隨人曰周之子孫封於江漢之間者楚

盡滅之欲殺昭王王從臣子綦乃深匿王自以為王謂

隨人曰以我予吳隨人卜予吳不吉乃謝吳王曰昭王

亡不在隨吳請入自索之隨不聽吳亦罷去昭王之出

郢也使申包胥集解服虔曰楚大夫王孫包胥請救於秦秦以車五百

乘救楚楚亦收餘散兵與秦擊吳十一年六月敗吳於

稷集解賈逵曰楚地也會吳王弟夫概見吳王兵傷敗乃亡歸自

立為王闔閭聞之引兵去楚歸擊夫概夫概敗奔楚楚

封之堂谿正義地理志云堂谿故城在豫州偃城縣西八十五里也號為堂谿氏楚

昭王滅唐集解杜預曰義陽安昌縣東南上唐鄉正義括地志云唐古之唐國也九月歸入郢十二年吳復伐楚

取番正義片寒反又音婆括地志云饒州鄱陽縣春秋時為楚東境秦為番縣屬九江郡今為鄱陽縣也

楚恐去郢北徙都郢正義音若括地志云楚昭王故城在襄州樂鄉縣東北三十三里在

乾隆四年校刊

史記卷四十一

世家

七

故都城東五里卽楚國
故昭王徙都都城也
十六年孔子相魯二十年楚滅

頓集解駟案地理志汝南頓縣故頓子國正義括地志云陳州南頓縣故頓子國應劭云古頓子國姬姓也

通於陳後南集解杜預曰汝南縣西北胡城正義徙故曰南頓集解杜預曰汝南縣西北胡城正義

二十一年吳王闔閭伐越越王勾踐射傷吳王遂死吳

由此怨越而不西伐楚二十七年春吳伐陳楚昭王救

之軍城父十月昭王病於軍中有赤雲如鳥夾日而蜚

集解杜預曰雲在昭王問周太史太史曰是害於楚王

然可移於將相將相聞是言乃請自以身禱於神昭王

曰將相孤之股肱也今移禍庸去是身采弗聽車而河

爲祟大夫請禱河昭王曰自吾先王受封望不過江漢

集解服虔曰謂所受王命祀其國中山川爲望正義按江荆州南大江也漢江也二水楚境內也河黃河非楚

境也而河非所獲罪也止不許孔子在陳聞是言曰楚昭

王通大道矣其不失國宜哉昭王病甚乃召諸公子大

夫曰孤不佞再辱楚國之師今乃得以天壽終孤之幸

也讓其弟公子申爲王不可又讓次弟公子結亦不可

乃又讓次弟公子閻五讓乃後許爲王將戰庚寅昭王

卒於軍中子閻曰王病甚舍其子讓羣臣臣所以許王

以廣王意也今君王卒臣豈敢忘君王之意乎乃與子

西子綦謀伏師閉塗集解徐廣曰一作壁正義左傳云

閉塗防斷外寇也爲昭王薨於軍嗣子未定恐有隣國

及諸公子之變故伏師閉塗迎越女之子章立爲惠王

乾隆四年校刊

史記卷四十一

世家

三

也迎越女之子章立之集解服虔曰閉塗不通外使也

塗也故下立惠王後卽是爲惠王然後罷兵歸葬昭王

惠王三年子西召故平王太子建之子勝於吳以爲巢

大夫號曰白公集解徐廣曰伍子胥傳曰使勝守楚之

皆稱公杜預曰汝陰褒信縣西南有白亭正義巢今廬

州居巢縣也括地志云白亭在豫州褒信東南三十二

里褒信本漢鄆縣之地後漢分鄆置白公好兵而下士

欲報仇六年白公請兵令尹子西伐鄭初白公父建亡

在鄭鄭殺之白公亡走吳子西復召之故以此怨鄭欲

伐之子西許而未爲發兵八年晉伐鄭鄭告急於楚楚

使子西救鄭受賂而去白公勝怒乃遂與勇力死土石

乞等襲殺令尹子西子綦於朝因劫惠王置之高府集解

賈逵曰高府府名也杜預曰楚別府欲弑之惠王從者屈固負王亡走昭

王夫人宮集解服虔曰昭王夫人惠王母越女也白公自立爲王月餘會

葉公來救楚楚惠王之徒與共攻白公殺之惠王乃復

位是歲也集解徐廣曰滅陳而縣之十三年吳王夫差

疆陵齊晉來伐楚十六年越滅吳正義表云越滅

三年楚滅蔡正義周定王四十四年楚滅杞正義周定

年與秦平是時越已滅吳而不能正江淮北正義正長

謂廣陵縣徐泗等州也楚東侵廣地至泗上五十七年惠王卒子

簡王中立正義中簡王元年北伐滅莒正義括地志云

密州莒縣故國乾隆四年校刊

也言北伐者莒八年魏文侯韓武子趙桓子始列為諸

侯二十四年簡王卒子聲王正義諡法云不當立聲王

六年盜殺聲王子悼王熊疑立悼王二年三晉來伐楚

至乘丘而還集解徐廣曰年表三年歸榆關于鄭正義

在年表中地理志云乘丘故城在兗州瑕丘縣西北三十五里是也四年楚伐周鄭殺子

陽九年伐韓取負黍十一年三晉伐楚敗我大梁榆關

索隱此榆關當在大梁之西楚厚賂秦與之平二十一年悼王卒子

肅王臧立肅王四年蜀伐楚取茲方正義古今地名云

茲地即茲於是楚為扞關以距之集解駟案李熊說公

扞關之口索隱郡國志十年魏取我魯陽集解駟案地

有魯陽縣正義括地志云汝州魯山本漢魯陽縣也古魯山為名也十一年肅王卒

無子立其弟熊良夫是為宣王宣王六年周天子賀秦

獻公秦始復疆而三晉益大魏惠王齊威王尤疆三十

年秦封衛鞅於商南侵楚是年宣王卒子威王熊商立

威王六年周顯王致文武胙於秦惠王七年齊孟嘗君

父田嬰欺楚楚威王伐齊敗之於徐州集解徐廣曰時

齊齊說越令攻楚故云齊欺楚而令齊必逐田嬰田嬰恐張丑偽謂楚

王曰王所以戰勝於徐州者田盼子不用也索隱盼子

盼子者有功於國而百姓為之用嬰子弗善而用申紀

申紀者大臣不附百姓不為用故王勝之也今王逐嬰

子嬰子逐盼子必用矣復搏其士卒以與王遇索隱搏音搏亦

有作附讀戰國策作整必不便於王矣楚王因弗逐也十一年威

王卒子懷王熊槐立魏聞楚喪伐楚取我陘山正義括地志云

陘山在鄭州新鄭縣西南三十里懷王元年張儀始相秦惠王四年秦

惠王初稱王六年楚使柱國昭陽將兵而攻魏破之於

襄陵得八邑索隱襄陵縣名在河東古本亦作八城又移兵而攻齊

齊王患之集解徐廣曰懷王六年昭陽移和而攻齊軍門曰和陳軫適為秦使齊

齊王曰為之奈何陳軫曰王勿憂請令罷之即往見昭

陽軍中日願聞楚國之法破軍殺將者何以貴之昭陽

曰其官為上柱國封上爵執珪陳軫曰其有貴於此者

乎昭陽曰令尹陳軫曰今君已為令尹矣此國冠之上

索隱冠音貫令尹尹中最尊故以國為言猶如卿子冠軍然臣請得譬之人有遺其

舍人一卮酒者舍人相謂曰數人飲此不足以徧請遂

畫地為蛇蛇先成者獨飲之一人曰吾蛇先成舉酒而

起曰吾能為之足及其為之足而後成人奪之酒而飲

之曰蛇固無足今為之足是非蛇也今君相楚而攻魏

破軍殺將功莫大焉冠之上不可以加矣索隱冠音官今又

移兵而攻齊攻齊勝之官爵不加於此攻之不勝身死

爵奪有毀於楚此為蛇為足之說也不若引兵而去以

德齊此持滿之術也昭陽曰善引兵而去燕韓君初稱

王秦使張儀與楚齊魏相會盟齧桑正義徐廣云在梁與彭城之間

一年蘇秦約從山東六國兵攻秦楚懷王為從長至函

谷關秦出兵擊六國六國兵皆引而歸齊獨後十二年

齊湣王伐敗趙魏軍秦亦伐敗韓與齊爭長十六年秦

欲伐齊而楚與齊從親秦惠王患之乃宣言張儀免相

使張儀南見楚王謂楚王曰敝邑之王所甚說者無先

大王雖儀之所甚願為門闌之廝者亦無先大王敝邑

之王所甚憎者無先齊王雖儀之所甚憎者亦無先齊

王而大王和之索隱和謂楚與齊相和親也是以敝邑之王不得事

王而令儀亦不得為門闌之廝也王為儀閉關而絕齊

今使使者從儀西取故秦所分楚商於之地方六百里

集解商於之地在今順陽郡南鄉丹水二縣有商城在於中故謂之商於
索隱地理志丹水及商屬弘農今言順陽者是魏晉始分置順陽郡商城丹水俱隸之

如是則齊弱矣是北弱齊西

德於秦私商於以為富此一計而三利俱至也懷王大

悅乃置相璽於張儀日與置酒宣言吾復得吾商於之

地羣臣皆賀而陳軫獨弔懷王日何故陳軫對日秦之

所為重王者以王之有齊也今地未可得而齊交先絕

是楚孤也夫秦又何重孤國哉必輕楚矣且先出地而

後絕齊則秦計不為先絕齊而後責地則必見欺於張

儀見欺於張儀則王必怨之怨之是西起秦患北絕齊

交西起秦患北絕齊交則兩國之兵必至索隱兩國臣

故弔楚王弗聽因使一將軍西受封地張儀至秦詳醉

墜車稱病不出三月地不可得楚王曰儀以吾絕齊為

尚薄邪乃使勇士宋遺北辱齊王齊王大怒折楚符而

合於秦秦齊交合張儀乃起朝謂楚將軍曰子何不受

地從某至某廣袤六里楚將軍曰臣之所以見命者六

百里不聞六里即以歸報懷王懷王大怒興師將伐秦

陳軫又曰伐秦非計也不如因賂之一名都與之伐齊

是我亡於秦索隱謂失商於之地取償於齊也吾國尚可全今王

已絕於齊而責欺於秦是吾合秦齊之交而來天下之

兵也國必大傷矣楚王不聽遂絕和於秦發兵西攻秦

秦亦發兵擊之十七年春與秦戰丹陽索隱此丹陽在漢中秦大

敗我軍斬甲士八萬虜我大將軍屈匄裨將軍逢侯丑

等七十餘人遂取漢中之郡楚懷王大怒乃悉國兵復

襲秦戰於藍田正義藍田在雍州東南入藍田縣大敗楚軍韓

魏聞楚之困乃南襲楚至於鄧楚聞乃引兵歸十八年

秦使使約復與楚親分漢中之半以和楚楚王曰願得

張儀不願得地張儀聞之請之楚秦王曰楚且甘心於

子奈何張儀曰臣善其左右靳尚靳尚又能得事於楚

王幸姬鄭袖袖所言無不從者且儀以前使負楚以商

於之約今秦楚大戰有惡臣非面自謝楚不解且大王
在楚不宜敢取儀誠殺儀以便國臣之願也儀遂使楚
至懷王不見因而囚張儀欲殺之儀私於靳尚靳尚爲
請懷王曰拘張儀秦王必怒天下見楚無秦必輕王矣
又謂夫人鄭袖曰秦王甚愛張儀而王欲殺之今將以
上庸之地六縣賂楚以美人聘楚王以宮中善歌者爲
之媵楚王重地秦女必貴而夫人必斥矣夫人不若言
而出之鄭袖卒言張儀於王而出之儀出懷王因善遇
儀儀因說楚王以叛從約而與秦合親約婚姻張儀已
去屈原使從齊來諫王曰何不誅張儀懷王悔使人追

儀弗及是歲秦惠王卒二十年齊湣王欲爲從長

索隱

或作二十六年按下文始言二十四年又更有二十六
年則此云二十六年衍字也當是二十年事又徐廣推
校二十年取武遂三十二年歸武遂則此二十年二十
一年之事乎

惡楚之與秦合乃使

使遺楚王書曰寡人患楚之不察於尊名也今秦惠王
死武王立張儀走魏樗里疾公孫衍用而楚事秦夫樗
里疾善乎韓而公孫衍善乎魏楚必事秦韓魏恐必因
二人求合於秦則燕趙亦宜事秦四國爭事秦則楚爲
郡縣矣王何不與寡人并力收韓魏燕趙與爲從而尊
周室以案兵息民令於天下莫敢不樂聽則王名成矣
王率諸侯並伐破秦必矣王取武關蜀漢之地

正義武關在商

州東一百八十里商洛縣界蜀巴蜀漢漢中郡私吳越之富而擅江海之利韓

魏割上黨西薄函谷則楚之疆百萬也且王欺於張儀

亡地漢中兵銚藍田天下莫不代王懷怒今乃欲先事

秦願大王孰計之楚王業已欲和於秦見齊王書猶豫

不決下其議羣臣羣臣或言和秦或曰聽齊昭睢曰索隱

睢音七王雖東取地於越不足以刷恥必且取地於秦

而後足以刷恥於諸侯王不如深善齊韓以重樛里疾

如是則王得韓齊之重以求地矣秦破韓宜陽索隱弘

在澠池而韓猶復事秦者以先王墓在平陽索隱非而

秦之武遂去之七十里索隱亦非河間國之縣則韓之

右以故尤畏秦不然秦攻三川正義洛趙攻上黨楚攻

河外韓必亡楚之救韓不能使韓不亡然存韓者楚也

韓已得武遂於秦以河山為塞正義河蒲河西黃所報

德莫如楚厚臣以為其事王必疾齊之所信於韓者以

韓公子昧為齊相也正義昧莫韓已得武遂於秦王甚

善之使之以齊韓重樛里疾疾得齊韓之重其主弗敢

棄疾也今又益之以楚之重樛里子必言秦復與楚之

侵地矣於是懷王許之竟不合秦而合齊以善韓集解徐廣

日懷王之二十二年秦拔宜陽取武遂二十一年事矣二十四年

倍齊而合秦秦昭王初立乃厚賂於楚楚往迎婦二十

乾隆四年校刊

史記卷四十一

世家

七

五年懷王入與秦昭王盟約於黃棘秦復與楚上庸二十六年齊韓魏爲楚負其從親而合於秦三國共伐楚楚使太子入質於秦而請救秦乃遣客卿通將兵救楚三國引兵去二十七年秦大夫有私與楚太子鬪楚太子殺之而亡歸二十八年秦乃與齊韓魏共攻楚楚殺楚將唐昧取我重丘而去二十九年秦復攻楚大破楚楚軍死者二萬殺我將軍景缺懷王恐乃使太子爲質於齊以求平三十年秦復伐楚取八城秦昭王遣楚王書曰始寡人與王約爲弟兄盟于黃棘太子爲質至驩也太子陵殺寡人之重臣不謝而亡去寡人誠不勝怒使

兵侵君王之邊今聞君王乃令太子質於齊以求平寡

人與楚接境壤界故爲婚姻

正義婿父爲姻婦父爲婚相謂曰婚姻兩婿相謂曰

姪

所從相親久矣而今秦楚不驩則無以令諸侯寡人

願與君王會武關面相約結盟而去寡人之願也敢以聞下執事楚懷王見秦王書患之欲往恐見欺無往恐秦怒昭睢曰王母行而發兵自守耳秦虎狼不可信有并諸侯之心懷王子子蘭勸王行曰奈何絕秦之驩心於是往會秦昭王昭王詐令一將軍伏兵武關號爲秦王楚王至則閉武關遂與西至咸陽

索隱右扶風渭城縣故咸陽城也

朝章臺如蕃臣不與亢禮楚懷王大怒悔不用昭子言

秦因留楚王要以割巫黔中之郡楚王欲盟秦欲先得地楚王怒曰秦詐我而又彊要我以地不復許秦秦因留之楚大臣患之乃相與謀曰吾王在秦不得還要以割地而太子爲質於齊齊秦合謀則楚無國矣乃欲立懷王子在國者昭睢曰王與太子俱困於諸侯而今又倍王命而立其庶子不宜乃詐赴於齊齊潛王謂其相曰不若留太子以求楚之淮北相曰不可郢中立王是吾抱空質而行不義於天下也或曰不然郢中立王因與其新王市曰予我下東國吾爲王殺太子不然將與三國共立之然則東國必可得矣齊王卒用其相計而

歸楚太子太子橫至立爲王是爲頃襄王乃告于秦曰賴社稷神靈國有王矣頃襄王橫元年秦要懷王不可得地楚立王以應秦秦昭王怒發兵出武關攻楚大敗

楚軍斬首五萬取析十五城而去

集解徐廣曰年表云取十六城既取析又

并取左右十五城也駟案地理志弘農有析縣正義括地志云鄧州內鄉縣城本楚析邑一名丑漢置析縣因析水爲名也二年楚懷王亡逃歸秦覺之遮楚道懷王恐乃

從間道走趙以求歸趙主父在代

索隱主字亦作王

其子惠王

初立行王事恐不敢入楚王楚王欲走魏秦追至遂與秦使復之秦懷王遂發病頃襄王三年懷王卒于秦秦歸其喪於楚楚人皆憐之如悲親戚諸侯由是不直秦

秦楚絕六年秦使白起伐韓於伊闕正義括地志云伊闕山在洛州南十九里大勝斬首二十四萬秦乃遺楚王書曰楚倍秦秦

且率諸侯伐楚爭一旦之命願王之飭士卒得一樂戰

楚頃襄王患之乃謀復與秦平七年楚迎婦於秦秦楚

復平十一年齊秦各自稱為帝月餘復歸帝為王十四

年楚頃襄王與秦昭王好會于宛結和親十五年楚王

與秦三晉燕共伐齊取淮北十六年與秦昭王好會於

鄢其秋復與秦王會穰十八年楚人有好以弱弓微繳

加歸鴈之上者頃襄王聞召而問之對曰小臣之好射

騏鴈羅鷺集解徐廣曰呂靜曰鷺野鳥也音龍索隱騏音其小鴈也鄒誕鷺音盧動反劉氏音龍是

小鳥名小矢之發也何足為大王道也且稱楚之大因大

王之賢所弋非直此也昔者三王以弋道德五霸以弋

戰國故秦魏燕趙者騏鴈也齊魯韓衛者青首也索隱

有青首者鄒費邾邳者羅鷺也索隱鄒費音騶祕外其餘則不足射

者見鳥六雙以王何取索隱以喻下文秦趙等十二國故云六雙王何不以

聖人為弓以勇士為繳時張而射之此六雙者可得而

囊載也其樂非特朝夕之樂也索隱夕猶昔也其獲非特鳧鴈

之實也王朝張弓而射魏之大梁之南加其右臂而徑

屬之於韓則中國之路絕而上蔡之郡壞矣還射圍之

東索隱還音患解魏左肘索隱解音紀買反而外擊定陶則魏

乾隆四年校刊

史記卷四十一

世家

三

之東外棄而大宋方與二郡者舉矣

正義圍音語城在

王朝張弓射魏大梁汴州之南卽加大梁之右臂連韓
郟則河北中國之路向東南斷絕則韓上蔡之郡自破
壞矣復遶射雍丘圍城之東便解散魏左肘宋州而
外擊曹定陶及魏東之外解棄則宋方與兩郡並舉且

魏斷二臂顛越矣膺擊郟國大梁可得而有也王精繳

蘭臺集解徐廣曰精縈也音爭蘭一作簡正義鄭玄云

繫弋射鳥也若膺擊郟圍大梁已了乃飲馬西河定魏

大梁此一發之樂也若王之於弋誠好而不厭則出寶

弓礮新繳集解徐廣曰以石傳弋繳曰礮礮

東海還蓋長城以爲防集解徐廣曰噶一作獨還音宦

泰山濟北盧縣有長城東至海也索隱噶音畫謂大鳥

之有鈎喙者以比齊也還音患謂遶也蓋者覆也言射

者環遶蓋覆使無飛走之路因以長城爲防也徐以蓋

爲益縣非也地理志云長城在濟南也正義太山郡記

云太山西北有長城緣河徑太山千餘里至瑯琊臺入

海齊記云齊宣王乘山嶺之上築長城東至海西至濟

州千餘里以備楚括地志云長城西北起濟州平陰縣

緣河歷太山北岡上經濟州淄州卽西南起濟州博城縣

北東至密州瑯琊臺入海正義朝射東莒正義括地

莒縣故莒子國地理志云周武王封少昊之夕發沮丘

後嬴姓於莒始都計斤春秋時始居莒也正義夜加卽墨顧

丘名也在青州臨淄縣西北二十五里也

據午道索隱顧反也午道當在齊西界一從一橫爲午

在博州之則長城之東收而太山之北舉矣正義言從

西境也東至海太山之北黃西結境於趙正義言得齊地約結

河之南盡舉收於楚正義於趙爲境界定從約

乾隆四年校刊

史記卷四十一

世家

三

所滯礙言燕無三國布砥集解徐廣曰音翅一作屬山河之限也隱三國齊趙燕也砥式鼓反

則從不待約而可成也北遊目於燕之遼東而南登望

於越之會稽此再發之樂也若夫泗上十二諸侯左縈

而右拂之可一旦而盡也今秦破韓以為長憂得列城

而不敢守也伐魏而無功擊趙顧病索隱顧猶反也則秦魏之

勇力屈矣楚之故地漢中析酈可得而復有也王出寶

弓礫新繳涉酈塞集解徐廣曰或以為冥今江夏一作

北縣東十里虞邑也杜預云河東太而待秦之倦也山

東河內正義謂華山之東可得而一也勞民休衆南面

稱王矣故曰秦為大鳥負海內而處東面而立左臂據

趙之西南右臂傅楚鄆郢膺擊韓魏索隱韓魏當秦之

作鷹垂頭中國索隱垂頭猶申頭處既形便勢有地利

奮翼鼓犴方三千里則秦未可得獨招而夜射也欲以

激怒襄王故對以此言襄王因召與語遂言曰夫先王

為秦所欺而客死於外怨莫大焉今以匹夫有怨尚有

報萬乘白公子胥是也今楚之地方五千里帶甲百萬

猶足以踴躍中野也而坐受困臣竊為大王弗取也於

是頃襄王遣使於諸侯復為從欲以伐秦秦聞之發兵

來伐楚楚欲與齊韓連和伐秦因欲圖周周王報使武

公集解徐廣曰定王之曾謂楚相昭子曰三國以兵割

孫而西周惠公之子謂楚相昭子曰三國以兵割

乾隆四年校刊

史記卷四十一

世家

三

周郊地以便輸而南器以尊楚臣以為不然夫弑共主

臣世君索隱共主世君俱是周自謂也共主言周為天

大國不親以眾脅寡小國不附大國不親小國不附不

可以致名實名實不得不足以傷民夫有圖周之聲非

所以為號也昭子曰乃圖周則無之雖然周何故不可

圖也對曰軍不五不攻城不十不圍夫一周為二十晉

正義言周主之國其地雖小諸侯尊之故敵二十晉公之所知也韓嘗以二十萬

之眾辱於晉之城下銳士死中士傷而晉不拔公之無

百韓以圖周此天下之所知也夫怨結於兩周以塞鄒

魯之心索隱鄒魯有禮義之國今楚欲結交絕於齊正義

楚本與齊韓和伐秦因欲圖周齊不與圖周故齊交絕於楚也聲失天下其為事危矣

夫危兩周以厚三川正義三川兩周之地正義方城之外

方城之外許州葉縣東北也言楚取兩周則韓強必弱楚方城之外也必為韓弱矣何以

知其然也西周之地絕長補短不過百里名為天下共

主裂其地不足以肥國得其眾不足以勁兵雖無攻之

名為弑君然而好事之君喜攻之臣發號用兵未嘗不

以周為終始是何也見祭器在焉欲器之至而忘弑君

之亂今韓以器之在楚臣恐天下以器讎楚也臣請譬

之夫虎肉臊其兵利身索隱謂虎以爪牙為兵而自利於防身也人猶攻之

也若使澤中之麋蒙虎之皮人之攻之必萬之於虎索隱

攻易而利大也正義野澤之麋蒙衣虎皮人之攻取裂必萬倍於虎也譬楚伐周收祭器其猶麋蒙虎皮矣

楚之地足以肥國詘楚之名足以尊主今子將以欲誅

殘天下之共主居三代之傳器索隱謂九鼎也吞三翮六翼以

高世主索隱翮亦作翮同音歷三翮六翼亦謂九鼎也空足曰翮六翼即六耳翼近耳旁事具小爾雅

非貪而何周書曰欲起無先故器南則兵至矣於是楚

計輟不行十九年秦伐楚楚軍敗割上庸漢北地予秦

正義謂割房金均三州及漢水之北與秦二十年秦將白起拔我西陵集解徐廣

曰屬江夏正義括地志云西陵故城在黃州黃山西二里二十一年秦將白起遂拔

我郢燒先王墓夷陵集解徐廣曰年表云拔郢燒夷陵正義括地志云峽州夷陵縣是也

在荊州西應劭云夷山在西北楚襄王兵散遂不復戰

東北保於陳城二十二年秦復拔我巫黔中郡二十三

年襄王乃收東地兵得十餘萬復西取秦所拔我江旁

十五邑以為郡距秦二十七年使三萬人助三晉伐燕

復與秦平而入太子為質於秦楚使左徒侍太子於秦

三十六年頃襄王病太子亡歸秋頃襄王卒太子熊元

代立索隱系是為考烈王考烈王以左徒為令尹封以

吳號春申君考烈王元年納州于秦以平集解徐廣曰南郡有州陵

縣是時楚益弱六年秦圍邯鄲趙告急楚楚遣將軍景

陽救趙七年至新中索隱趙地無其名字誤鉅鹿有新中當為市也

正義新中相州安陽縣也七國時魏寧新中邑秦莊襄王拔之更名安陽也秦兵去集解徐廣曰年表云六年春申君救

乾隆四年校刊

趙十年徙於距陽十二年秦昭王卒楚王使春申君弔祠于秦

十六年秦莊襄王卒秦王趙政立二十二年與諸侯共

伐秦不利而去楚東徙都壽春正義壽春在壽州壽春縣是也命曰郢

二十五年考烈王卒子幽王悍立李園殺春申君幽王

三年秦魏伐楚秦相呂不韋卒九年秦滅韓十年幽王

卒同母弟猶代立是為哀王哀王立二月餘哀王庶兄

負芻之徒襲殺哀王而立負芻為王是歲秦虜趙王遷

王負芻元年燕太子丹使荆軻刺秦王二年秦使將軍

伐楚大敗楚軍亡十餘城三年秦滅魏四年秦將王翦

破我軍於蘄索隱機而殺將軍項燕五年秦將王翦蒙

武遂破楚國虜楚王負芻滅楚名為楚郡云集解孫檢曰秦虜楚

王負芻滅去楚名以楚地為三郡索隱裴注頻引孫檢不知其人本末蓋齊人也

太史公曰楚靈王方會諸侯於申誅齊慶封作章華臺

求周九鼎之時志小天下及餓死于申亥之家為天下

笑操行之不得悲夫勢之於人也可不慎與棄疾以亂

立嬖淫秦女甚乎哉幾再亡國索隱幾音祁

索隱述贊曰鬻熊之嗣周封於楚僻在荆蠻華路藍縷及通而霸僭號曰武文既代申成亦赦許子圉篡嫡商臣殺父天禍未悔憑姦自怙昭困奔亡懷迫囚虜頃襄考烈祚衰南土

史記卷四十

史記卷四十考證

楚世家卷章生重黎○尚書疏曰按昭二十九年左傳

稱少昊氏有子曰重顓頊氏有子曰黎則重黎二人

各出一帝而史記并以重黎為楚國之祖吳回為重

黎以重黎為官號此乃史記之繆故東哲譏馬遷并

兩人以為一謂此是也困學紀聞曰詩正義曰楚語

稱顓頊命南正重司天以屬神命火正黎司地以屬

民則黎為火正高陽時也言高辛者以重黎是顓頊

命之歷及高辛仍為此職故二文不同也黎實祝融

重為南正而楚世家同以重黎為祝融謬也世家又

史記卷四十一
云帝譽誅重黎而以其弟吳回爲重黎後復居火正
爲祝融鄭語以八姓爲黎後者以吳回繫黎之後復
居黎職故本之黎也左傳少皞氏有子曰重顓項氏
有子曰黎史記以重黎爲一人又言以吳回爲重黎
皆謬臣照按史遷所載信以傳信疑以傳疑與其過
而廢之毋寧過而存之故往往兩存其說非自相矛
盾也至此以重黎爲一人與左傳不同者左傳後出
太史公或未之見後人據左傳以駁之固當然傳聞
異辭於數千年後斷左傳之必是而史遷之必非亦
何所憑耶惟劉氏爲調停之說而小司馬信之稱以

爲當則大不然劉氏謂對彼重則單稱黎若自言當
家則稱重黎夫南正重司天北正黎司地重黎者正
人之名猶夫周召蕭曹云爾寧有對周對蕭而言則
單稱召單稱曹自言當家則稱周召稱蕭曹之理耶
氏名之不可假借猶夫南北天地之不可混而一也寧
有對彼南則單稱北對彼天則單稱地自言當家則
王稱南北稱天地之理耶嚴辨宋本無黎字今於宋
乃立其長子康爲句亶王○大戴禮帝繫篇作無康耳
次子叔堪少子季徇○鄭語作叔熊季紉亦據黎與豨
蚡冒弟熊通弑蚡冒子而代立是爲楚武王○杜預注

他左傳云蚡冒楚武王父劉炫據楚世家以為蚡冒是
穴兄不得為父孔穎達疏云世家之文多有紕繆與經
凡傳異者非是一條杜氏非不見其文但見而不用耳
王室不聽還報○監本作還報楚宋本無楚字今依宋
本刪却南順單無非據却天順單無此自言當案順
乃自立為武王○顧炎武曰乃自立句為武王句蓋言
自立為王後諡為武王耳古文簡故連屬言之如管
蔡世家楚公子圍弒其王郟敖而自立為靈王衛世
家鄭世家皆云楚公子棄疾弒靈王自立為平王司
馬穰苴傳至常曾孫和因自立為齊威王又如韓世

六家晉作六卿而韓厥在六卿之位號為獻子與此文
勢正同劉炫云號為武武非諡也此說鑿矣項梁立
楚懷王孫心為楚懷王尉佗自立為南越武帝此後

世事爾

十三年卒子熊羆立○臣世駿按左傳楚文王于魯莊

十五年即位至十九年卒在位共十五年世家年表並

于不同豈立○春秋經魯僖公二十六年公以楚師伐齊取穀

二十二年伐黃○左傳及年表俱在二十三年

二十九年魯僖公來請兵以伐齊楚使申侯將兵伐齊

取穀○春秋經魯僖公二十六年公以楚師伐齊取穀

是年為楚成之三十八年六年平公以楚昭公齊姬驪
晉果敗子玉於城濮○左傳晉救宋在楚成三十九年
二戰城濮在四十年魯及平公則齊二十三平

子莊王侶立○春秋經及國語俱作旅穀梁作呂

伍舉曰願有進隱曰有鳥在於臯三年不蜚不鳴是何

十鳥也○困學紀聞曰三年不蜚不鳴楚世家謂伍舉

進隱于莊王滑稽傳謂淳于髡說齊威王此一事而

兩見然莊王時嬖人伍參見左氏傳舉其子也新序

以為士慶呂氏春秋以為成公賈不言伍舉

六年伐宋獲五百乘○左傳魯宣二年春鄭公子歸生

受命于楚伐宋宋華元樂呂御之二月壬子戰于大
棘宋師敗績囚華元獲樂呂及甲車四百六十乘俘
二百五十人馘百人據年表魯宣之二年為楚莊之
王七年

共王審立○楚語作歲

王怒射殺子反○臣召南按左氏子反自殺非莊王殺

之也惟呂氏春秋有斬子反之語此又作射殺

子康王招立○春秋經及國語俱作昭

於是晉宋魯衛不往○臣世駿按春秋經魯昭四年夏

楚子蔡侯陳侯鄭伯許男徐子滕子頓子胡子沈子

小邾子宋世子佐淮夷會于申此云宋不往誤

七年就章華臺○左傳楚子成章華之臺在魯昭七年

于於楚為靈王六年

起子從亡在吳乃勸吳王伐楚○余有丁曰左傳觀起

王楚共王殺之子從事蔡大夫朝吳非亡在吳也亦無

共勸吳伐楚事

王行遇其故銅人○吳語銅作涓

遇王飢於釐澤○左傳國語皆曰乃求王遇諸棘闡

楚乃恐而城郢索隱去年已城郢今又重言據左氏昭

二十三年城郢二十四年無重城郢之文是史記誤

也○臣照按是申明上文城郢之故非此復城郢也

史原不誤索隱正義兩家皆失之

太子珍少○左傳作太子壬國語及越世家又作軫

七年楚使子常伐吳吳大敗楚于豫章正義今洪州也

○左傳魯定二十八年秋楚伐吳于豫章是年楚昭之入

魯年也

王從臣子綦○左傳國語皆作子期

二十年楚滅頓滅胡○春秋經滅頓在魯定之十四年

滅胡在定五年滅胡之年于楚昭為定三十年年表

二同此作三十年

二十九年吳王闔閭伐越越王勾踐射傷吳王遂死○
左傳及吳世家吳王伐越而死左魯定之十四年是
二年手楚昭為二十九年春楚昭滅鄭亦曾定之十四年
昭王問周太史○說苑云太史州黎

是歲也滅陳而縣之集解徐廣曰惠王之十年○左傳
魯哀十七年秋七月己卯楚公孫朝帥師滅陳是年
於楚為惠王之十年徐廣作十年蓋據年表也
八年魏文侯韓武子趙桓子始列為諸侯○臣世駿按
楚簡王八年三家皆初立尚未列為諸侯也周本紀
威烈王二十三年命韓趙魏為諸侯是年於楚為聲

王五年蓋後二十二年

子悼王熊疑立○六國年表及通鑑俱作類而楚之北

四年楚伐周鄭殺子陽○臣照按周本紀無此事六國

年表是年敗鄭師圍鄭鄭人殺子陽疑周字係鄭字

之訛

嬰子弗而用申紀○國策作申縛

西起秦患北絕齊交則兩國之兵必至○顧炎武曰此

不兩國即謂秦齊也索隱以為韓魏非

迺使勇士宋遺北辱齊王○臣照按戰國策遣勇士從

宋遺齊王書折券絕交又張儀傳乃使勇士至宋借

宋之符北罵齊王則宋遺非人名也疑當作廼使勇
士從宋遺書北辱齊王落從字書字國策遺與士發
不如因賂之一名都與之伐齊是我亡於秦取償於齊
也索隱謂失商於之地也○徐孚遠曰索隱之言非
也謂賂以名都故也若商於乃虛約耳不爲亡地
趙主父在代索隱主字亦作王○徐孚遠曰惠王父武
靈王自號主父故史因之索隱誤也
二十七年使三萬人助三晉伐燕○戰國策齊韓魏共
攻燕燕使太子請救于楚楚王使景陽將而救之此
云助三晉伐燕與楚策異

楚遣將軍景陽救趙○六國年表云春申君救趙春申
君列傳云秦圍邯鄲邯鄲告急于楚楚使春申君將
兵往救之此作景陽與彼互異

九年秦滅韓○韓世家正義曰亡在秦始皇帝十七年
是年爲楚幽之八年

同母弟猶代立是爲哀王○六國年表作弟郝立

四年秦將王翦破我軍於蘄而殺將軍項燕五年秦將
王翦蒙武遂破楚國虜楚王負芻○秦始皇本紀作
二十三年虜荆王二十四年項燕自殺

三十三平... 二十四平...

王... 秦...

四平秦... 王...

同母... 立...

長平... 八平

武平... 秦...

兵... 史...

晉... 史...

史記卷四十考證

史記卷四十一

吳未漢... 太史

令司馬遷器撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

越王勾踐世家第十一

越王勾踐其先禹之苗裔而夏后帝少康之庶子也

正義

吳越春秋云禹周行天下還歸大越登茅山以朝四方

羣臣封有功爵有德崩而葬焉至少康恐禹迹宗廟祭

祀之絕乃封其庶子於越號曰無餘賀循會稽記云少

康其少子號曰於越越國之稱始此越絕記云無餘都

會稽山南故封於會稽以奉守禹之祀文身斷髮披草

萊而邑焉後二十餘世至於允常正義輿地志云越侯

至周敬王時有越侯夫譚子曰允常拓土始大稱允常

之時與吳王闔廬戰而相怨伐允常卒子勾踐立是為

越王元年吳王闔廬聞允常死乃興師伐越越王勾踐

使死士挑戰三行至吳陳呼而自剄吳師觀之越因襲

擊吳師吳師敗於檣李集解杜預曰吳郡嘉興縣南有

十四年射傷吳王闔廬闔廬且死告其子夫差曰必毋忘

越三年勾踐聞吳王夫差日夜勒兵且以報越越欲先

吳未發往伐之范蠡諫曰不可臣聞兵者凶器也戰者

逾德也爭者事之末也陰謀逾德好用凶器試身於所

未上帝禁之行者不利越王曰吾已決之矣遂興師吳

王聞之悉發精兵擊越敗之夫椒集解杜預曰夫椒在

山是也索隱夫音符椒音焦本又作湫音酒小反賈逵

哀公元年越王乃以餘兵五千人保棲於會稽集解杜預曰

害也故六韜曰軍處山之高者則曰棲索隱吳王追而圍

之越王謂范蠡曰正義會稽典錄云范蠡字少伯越之

儻負俗文種為宛令遣吏謁奉吏還曰范蠡本國狂人

生有此病種笑曰吾聞士有賢俊之姿必有伴狂之譏

也駕車而往蠡避之後知種之必來謁謂兄嫂曰今日

有客願假衣冠有頃種至抵以不聽子故至於此為之

奈何蠡對曰持滿者與天道盈而不溢索隱與天天與

乾隆四年校刊

史記卷四十一

世家

二

也言持滿不溢與天同道故天與之定傾者與人集解虞翻曰人道尚謙卑以自牧

定傾之功節事者以地集解韋昭曰時不至不可彊生

故與此以亦與義也言地能財成萬物人主卑辭厚禮

以遺之不許而身與之市集解韋昭曰市利也謂委管

作言辭厚遺珍寶不許平越王身往事勾踐曰諾乃令

大夫種行成於吳索隱大夫官種名也一云大夫姓猶

於吳也正義吳越春秋云大夫種姓文名種字子禽荆

平王時為宛令之三戶之里范蠡從犬實蹲而吠之從

吏恐文種慙令人引衣而鄣之文種曰無鄣也吾聞犬

之所吠者人今吾到此有聖人之氣行而求之來至於

此且人身而犬吠者謂我是膝行頓首曰君王亡臣勾

踐使陪臣種敢告下執事勾踐請為臣妻為妾吳王將

許之子胥言於吳王曰天以越賜吳勿許也種還以報

勾踐勾踐欲殺妻子燔寶器觸戰以死種止勾踐曰夫

吳太宰嚭貪可誘以利請問行言之索隱問音紀開於

是勾踐乃以美女寶器令種間獻吳太宰嚭索隱國語

女二人使大夫種遺太宰嚭嚭受乃見大夫種於吳王種頓首言曰

願大王赦勾踐之罪盡入其寶器不幸不赦勾踐將盡

殺其妻子燔其寶器悉五千人觸戰必有當也索隱言

人觸戰或有能當吳兵者故國語作耦耦亦相當對

之名又下云無乃傷君王所愛乎是有當則傷也

因說吳王曰越以服為臣若將赦之此國之利也吳王

將許之子胥進諫曰今不滅越後必悔之勾踐賢君種

乾隆四年校刊

史記卷四十一

世家

三

蠡良臣若反國將爲亂吳王弗聽卒赦越罷兵而歸勾踐之困會稽也喟然嘆曰吾終於此乎種曰湯繫夏臺文王囚羑里晉重耳犇翟齊小白犇莒其卒王霸由是觀之何遽不爲福乎吳旣赦越越王勾踐反國乃苦身焦思置膽於坐坐臥卽仰膽飲食亦嘗膽也曰女忘會稽之耻邪身自耕作夫人自織食不加肉衣不重采折節下賢人厚遇賓客振貧弔死集解徐廣曰弔一作葬與百姓同其勞欲使范蠡治國政蠡對曰兵甲之事種不如蠡鎮撫國家親附百姓蠡不如種於是舉國政屬大夫種而使范蠡與大夫柘稽行成爲質於吳索隱越大夫也國語作諸稽郢二

歲而吳歸蠡勾踐自會稽歸七年拊循其士民士民欲用以報吳大夫逢同諫曰索隱逢姓同名故楚有逢伯者是國新流亡

今乃復殷給繕飾備利吳必懼懼則難必至且鷲鳥之擊也必匿其形今夫吳兵加齊晉怨深於楚越名高天下實害周室德少而功多必淫自矜爲越計莫若結齊親楚附晉以厚吳吳之志廣必輕戰是我連其權三國伐之越承其弊克可也勾踐曰善居二年吳王將伐齊子胥諫曰未可臣聞勾踐食不重味與百姓同苦樂此人不死必爲國患吳有越腹心之疾齊與吳疥癧也索隱

疥癧音介願王釋齊先越吳王弗聽遂伐齊敗之艾陵索隱

在魯哀十一年虜齊高國以歸索隱國惠子高昭子讓子胥子胥曰王毋

喜王怒子胥欲自殺王聞而止之越大夫種曰臣觀吳

王政驕矣請試嘗之貸粟以下其事請貸吳王欲與子

胥諫勿與王遂與之越乃私喜子胥言曰王不聽諫後

三年吳其墟乎太宰嚭聞之乃數與子胥爭越議因讒

子胥曰伍員貌忠而實忍人其父兄不顧安能顧王王

前欲伐齊員彊諫已而有功用是反怨王王不備伍員

員必為亂與逢同共謀讒之王王始不從乃使子胥於

齊聞其託子於鮑氏王乃大怒曰伍員果欺寡人役反

使人賜子胥屬鏤劍以自殺子胥大笑曰我令而父霸

索隱而汝也我又立若若初欲分吳國半予我我不受

已今若反以讒誅我嗟乎嗟乎一人固不能獨立報使

者曰必取吾眼置吳東門以觀越兵入也索隱國語云

不使大夫得見乃盛以鴟夷投之于江也於是吳任嚭政居三年勾踐召范

蠡曰吳已殺子胥導諛者眾可乎對曰未可至明年春

吳王北會諸侯於黃池索隱在哀十三年吳國精兵從王惟獨

老弱與太子留守索隱按春秋左氏傳太子名文勾踐復問范蠡蠡曰

可矣乃發習流二千索隱虞書云流宥五刑按流放之

人也正義謂先慣習流教士四萬人索隱謂常所教練

利戰陣死者二千人也君子六千人集解韋昭曰君子王所親

謂棄之是也君子六千人近有志行者猶吳所謂賢

乾隆四年校刊

史記卷四十一

世家

五

良齊所謂士也虞翻曰言君養之如子索隱君子謂君所子養有恩惠者又按左氏楚沈尹成帥都君子以濟師杜預曰都君子諸都邑之士有復除者國語云王以私卒君子六千人也諸御千人伐吳

索隱諸御謂諸理事之官在軍有職掌者吳師敗遂殺吳太子吳告急於王

王方會諸侯于黃池懼天下聞之乃祕之吳王已盟黃

池乃使人厚禮以請成越越自度亦未能滅吳乃與吳

平其後四年越復伐吳吳士民罷弊輕銳盡死於齊晉

而越大破吳因而留圍之三年吳師敗越遂復棲吳王

於姑蘇之山吳王使公孫雄集解虞翻曰吳大夫肉袒膝行而前

請成越王曰孤臣夫差敢布腹心異日嘗得罪於會稽

夫差不敢逆命得與君王成以歸今君王舉玉趾而誅

孤臣孤臣惟命是聽意者亦欲如會稽之赦孤臣之罪

乎勾踐不忍欲許之范蠡曰會稽之事天以越賜吳吳

不取今天以吳賜越越其可逾天乎且夫君王蚤朝晏

罷非為吳邪謀之二十二年一旦而棄之可乎且夫天

與弗取反受其咎伐柯者其則不遠君忘會稽之厄乎

勾踐曰吾欲聽子言吾不忍其使者范蠡乃鼓進兵曰

王已屬政於執事集解虞翻曰執事蠡自謂也使者去不者且得罪

集解虞翻曰我為子得罪索隱虞翻注蓋依國語之文今案此文謂使者宜速去不去得罪於越義亦通吳

使者泣而去勾踐憐之乃使人謂吳王曰吾置王甬東

君百家集解杜預曰甬東會稽勾章縣東海中吳王謝

乾隆四年校刊

史記卷四十一

世家

曰吾老矣不能事君王遂自殺乃蔽其面

正義今之面衣是其遺象

也越絕云吳王日聞命矣以三寸帛幘吾兩目使死者有知吾慙見伍子胥公孫聖以為無知吾恥生者越王則解綬以幘其目遂伏劍而死 曰吾無面以見子胥也

越王乃葬吳王而誅太宰嚭勾踐已平吳乃以兵北渡

淮與齊晉諸侯會於徐州致貢於周周元王使人賜勾

踐胙命為伯勾踐已去渡淮南以淮上地與楚

集解駟案楚世

家曰越滅吳而不能正江歸吳所侵宋地於宋與魯泗

東方百里當是時越兵橫行於江淮東諸侯畢賀號稱

霸王

索隱越在蠻夷少康之後地遠國小春秋之初未通上國國史既微畧無世系故紀年稱為於粵子

據此文勾踐平吳之後周元王始命為伯後遂僭而稱王也 范蠡遂去自齊遺大夫

種書曰蜚鳥盡良弓藏狡兔死走狗烹

集解徐廣云狡一作郊

越

王為人長頸鳥喙可與共患難不可與共樂子何不去

種見書稱病不朝人或讒種且作亂越王乃賜種劍曰

子教寡人伐吳七術

正義越絕云九術一曰尊天事鬼二曰重財幣以遺其君三曰遺敵

粟藁以空其邦四曰遺之好美以熒其志五曰遺之巧臣使起宮室高臺以盡其財以疲其力六曰貴其諛臣

使之易伐七曰疆其諫臣使之自殺八曰邦家富而備器利九曰堅甲利兵以承其弊 寡人用其

三而敗吳其四在子子為我從先王試之種遂自殺勾

踐卒

索隱紀年云晉出公十年十一月於粵子勾踐卒是為莢執

子王鼫與立

索隱鼫音

石與音餘按紀年云於粵子勾踐卒次鹿郢立六年卒樂資云越語謂鹿郢為鼫與也

王鼫與卒

子王不壽立王不壽卒

索隱紀年云不壽立十年見殺是為盲姑次朱勾立

子王

乾隆四年校刊

史記卷四十一

世家

七

翁立王翁卒

索隱紀年於粵子朱勾三十四年滅子王

翳立王翳卒子王之侯立

索隱紀年云翳三十二年遷

咎弒其君翳十月粵殺諸咎粵滑吳人立子錯枝為君

明年大夫寺區定粵亂立無余之十二年寺區弟思弒

其君莽安次無顓立無顓八年薨是為茨燭卯故莊子

云越人三弒其君子搜患之逃乎丹穴不肯出越人薰

之以艾乘以王與樂資云號曰無顓蓋無

顓後乃次無疆也則王之侯即無余之也王之侯卒子

王無疆立

弟也音其良反王無疆時越興師北伐齊西

伐楚與中國爭疆當楚威王之時越北伐齊齊威王使

人說越王曰越不伐楚大不王小不伯圖越之所為不

伐楚者為不得晉也韓魏固不攻楚韓之攻楚覆其軍

殺其將則葉陽翟危

正義葉式涉反今許州葉縣陽翟

河陽翟縣也二邑此時屬韓與楚

犬牙交境韓若伐楚

恐二邑為楚所危

魏亦覆其軍殺其將則陳上蔡不

安

正義陳今陳州也上蔡今豫州上蔡邑縣也二邑此

時屬魏與楚犬牙交境魏若伐楚恐二國為楚所危

也故二晉之事越也

軍殺將馬汗之力不效所重

也

接兵而況于攻城圍邑乎

正義頓刃築營壘也接兵戰

至頓刃接兵而況更有攻城圍邑韓願魏以聚大梁之

下願齊之試兵南陽莒地以聚常郟之境

正義南陽在

之西也常邑名蓋田文所封之則方城之外不南

乾隆四年校刊

之間不東商於析酈宋胡之地集解徐廣曰胡國今之

陽楚之西南是也宋胡作宗胡宗胡邑名胡姓之宗因

以名邑杜預云汝陰縣北有故胡城是也正義酈音攤

括地志云商洛縣則古商國城也荆州圖副云鄧州內

鄉縣東七里於村即於中也括地志又云鄧州內鄉

縣楚邑也故酈縣在鄧州新城縣西北三夏路以左

十里按商於析酈在商鄧二州界縣邑也

徐廣曰蓋謂江夏之夏索隱徐氏以為江夏非也劉氏

云楚適諸夏路出方城人向北行以西為左故云夏路

以左其意不足以備秦正義括地志云故長城在鄧州

為得也北連翼望山無土之處累石為楚固襄王控霸南土爭

強中國多築列城於北方以適華夏號為方城按此說

劉氏為得云邑徒眾少不足備秦嶢武二關之道也

江南洪饒等州春秋時為楚東境也泗上徐州春

秋時楚北境也二境並與越鄰言不足當伐越則齊

秦韓魏得志於楚也是二晉不戰而分地不耕而獲之

不此之為而頓刃於河山之間以為齊秦用所待者如

此其失計奈何其以此王也齊使者曰幸也越之不亡

也吾不貴其用智之如目見豪毛而不見其睫也今王

知晉之失計而不自知越之過是目論也索隱言越王

自覺越之過猶人眼能見豪毛而自不見其睫故謂之目論也王所待於晉者非其馬

汗之力也又非可與合軍連和也將待之以分楚眾也

今楚眾已分何待於晉越王曰奈何曰楚三大夫張九

軍北圍曲沃集解徐廣曰一作北面曲沃正義括地志

鄧州內鄉縣東七里爾時曲沃屬於中以至無集解徐

魏於中屬秦二地相近故楚圍之於中以至無集解徐

一作假之關者三千七百里正義按無假之關當在江

乾隆四年校刊

史記卷四十一

世家

九

於中西至漢中邑巫黔景翠之軍北聚魯齊南陽分有

中千餘里不備秦魯也正義魯兗州也齊密州莒縣邑南至泗上也

大此者乎正義南陽鄧州也時屬韓也言楚又備此三國也

分散有大且王之所求者鬪晉楚也晉楚不鬪越兵不

起是知三五而不知十也此時不攻楚臣以是知越大

不王小不伯復讎龐集解徐廣曰一作寵長沙正義復扶富反言

南復讐敵楚之四邑龐長沙竟陵澤也龐長沙出粟之

地竟陵澤出材木之地此邑近長沙潭衡之境越若窺

兵西通無假之關則西邑不得北上貢於楚之郢都矣

戰國時永郴衡潭岳鄂江洪饒並是東南境屬楚也袁

吉虔撫歛宣並楚之粟也竟澤陵楚之材也索隱劉氏

越西境屬越也語之聲非也言發語聲者文勢然也則是脫況字耳

當作犍犍邑名字訛耳則犍龐長沙是三邑也竟澤陵

當為竟陵澤言竟之山澤出材木故楚越窺兵通無

有七澤蓋其一也合上文為四邑也集解

徐廣曰無假之關此四邑者不上貢事於郢矣臣聞之

一作西圖王不王其做可以伯然而不伯者王道失也故願大

王之轉攻楚也於是越遂釋齊而伐楚楚威王興兵而

伐之大敗越殺王無疆盡取故吳地至浙江北破齊於

徐州集解徐廣曰周顯王之四十六年索隱按紀年粵

語是無疆為無疆之而越以此散諸族子爭立或為王

後紀年不得錄也或為君濱於江南海上正義今台州臨海縣是也服朝於楚後七世

至閩君搖佐諸侯平秦漢高帝復以搖為越王以奉越

後東越閩君皆其後也范蠡集解太史公曰素王妙論

徐人正義吳越春秋云蠡字少伯乃楚宛三戶人也越

絕云在越為范蠡在齊為鴟夷子皮在陶為朱公又云

乾隆四年校刊

居楚曰范伯謂大夫種曰三王則三皇之苗裔也五伯乃五帝之末世也天運曆紀千歲一至黃帝之元執辰破已霸王之氣見於地戶伍子胥以是挾弓矢干吳王於是要大夫種入吳此時馮同相與共戒之伍子胥在自餘不能關其辭蠡曰吳越二邦同風共俗地戶事越之位非吳則越乃入越越王常與言盡日方退

王勾踐既苦身戮力與勾踐深謀二十餘年竟滅吳報會稽之恥北渡兵於淮以臨齊晉號令中國以尊周室勾踐以霸而范蠡稱上將軍還反國范蠡以為大名之下難以久居且勾踐為人可與同患難與處安為書辭勾踐曰臣聞主憂臣勞主辱臣死昔者君王辱於會稽所以不死為此事也今既以雪恥臣請從會稽之誅勾踐曰孤將與子分國而有之不然將加誅于子范蠡曰

君行令臣行意乃裝其輕寶珠玉自與其私徒屬乘舟浮海以行終不反於是勾踐表會稽山以為范蠡奉邑

索隱國語云乃環會稽三百里以為范蠡之地奉音扶用反 范蠡浮海出齊變姓名

自謂鴟夷子皮 索隱范蠡自謂也以吳王殺子胥而盛

日鴟夷革囊也 耕于海畔苦身戮力父子治產居無幾

何致產數千萬齊人聞其賢以為相范蠡喟然嘆曰居家則致千金居官則至卿相此布衣之極也久受尊名不祥乃歸相印盡散其財以分與知友鄉黨而懷其重

寶間行以去止于陶 集解徐廣曰今之濟陰定陶 正義

三十五里止此山之陽也 以為此天下之中交易有無

今山南五里猶有朱公冢 乾隆四年校刊

之路通為生可以致富矣於是自謂陶朱公復約要父子耕畜廢居候時轉物逐什一之利居無何則致貲累

巨萬集解徐廣曰萬萬也天下獨陶朱公朱公居陶生少子少子

及壯而朱公中男殺人囚於楚朱公曰殺人而死職也

然吾聞千金之子不死於市告其少子往視之乃裝黃

金千溢置褐器中載以一牛車且遣其少子朱公長男

固請欲行朱公不聽長男曰家有長子曰家督今弟有

罪大人不遣乃遣少弟是吾不肖欲自殺其母為言曰

今遣少子未必能生中子也而先空亡長男奈何朱公

不得已而遣長子為一封書遺故所善莊生索隱據其時代非莊

周也然驗其行事非子休而誰能信任於楚王乎正義

年表周元王四年越滅吳范蠡遂去齊歸定陶後遺莊

生金莊周與魏惠王周元王同時從周元王四

年至齊宣王元年一百三十年此莊生非莊子曰至則

進千金于莊生所聽其所為慎無與爭事長男既行亦

自私齎數百金至楚莊生家負郭披藜藿到門居甚貧

然長男發書進千金如其父言莊生曰可疾去矣慎毋

留即弟出勿問所以然長男既去不過莊生而私留以

其私齎獻遺楚國貴人用事者莊生雖居窮閭然以廉

直聞於國自楚王以下皆師尊之及朱公進金非有意

受也欲以成事後復歸之以為信耳故金至謂其婦曰

此朱公之金有如病不宿誠後復歸勿動而朱公長男

不知其意以為殊無短長也莊生間時入見楚王言某

星宿某此則害於楚楚王素信莊生曰今為奈何莊生

曰獨以德為可以除之楚王曰生休矣寡人將行之王

乃使使者封三錢之府集解國語曰周景王時將鑄大錢賈逵說云虞夏商周金幣三

等或赤或白或黃黃為上幣銅錢為下幣韋昭曰錢者金幣之名所以貿易物通財用也單穆公云古者有母

平子子權毋而行然則三品之來古而然矣駟謂楚之三錢賈韋之說近之楚貴人驚告朱

公長男曰王且赦曰何以也曰每王且赦常封三錢之

府昨暮王使使封之集解駟案或曰王且赦常封三錢之府者錢幣至重慮人或途知有

赦盜竊之所以封錢府備盜竊也漢靈帝時河內張成能候風角知將有赦教子殺人捕得七日赦出此其類也朱公長男以為赦弟固當出也重千金虛棄莊生無

所為也乃復見莊生莊生驚曰若不去邪長男曰固未

也初為事弟弟今議自赦故辭生去莊生知其意欲復

得其金曰若自入室取金長男即自入室取金持去獨

自歡幸莊生羞為兒子所賣乃入見楚王曰臣前言某

星事王言欲以脩德報之今臣出道路皆言陶之富人

朱公之子殺人囚楚其家多持金錢賂王左右故王非

能恤楚國而赦乃以朱公子故也楚王大怒曰寡人雖

不德耳奈何以朱公之子故而施惠乎令論殺朱公子

明日遂下赦令朱公長男竟持其弟喪歸至其母及邑

人盡哀之唯朱公獨笑曰吾固知必殺其弟也彼非不

乾隆四年校刊

愛其弟顧有所不能忍者也是少與我俱見苦為生難
 故重弃財至如少弟者生而見我富乘堅驅良逐狡兔
 豈知財所從來故輕去之非所惜客前日吾所為欲遣
 少子固為其能弃財故也而長者不能故卒以殺其弟
 事之理也無足悲者吾日夜固以望其喪之來也故范
 蠡三徙成名於天下非苟去而已所止必成名卒老死
 于陶故世傳曰陶朱公

集解張華曰陶朱公冢在華容縣西樹碑云是越之范蠡也
 正義盛弘之荊州記云荊州華容縣西有陶朱公冢
 也樹碑云是越范蠡范蠡本宛三戶人與文種俱入越吳
 亡後自適齊而終陶朱公登仙未聞葬此所由括地志
 云陶朱公冢也又云濟州平陰縣東三十里陶山南五
 里有陶公冢并止於陶山之陽按葬處有三未詳其處

太史公曰禹之功大矣漸九川

集解徐廣曰漸者亦引進通導之意也字或宜然

定九州至于今諸夏艾安及苗裔勾踐苦身焦思終
 滅彊吳北觀兵中國以尊周室號稱霸王

集解徐廣曰一作主

勾踐可不謂賢哉蓋有禹之遺烈焉范蠡三遷皆有榮名
 名垂後世臣主若此欲母顯得乎

索隱述贊曰越祖少康至于允常其子始霸與吳爭
 疆樵李之役闔閭見傷會稽之恥勾踐欲當種誘以
 利蠡悉其良折節下士致膽思嘗卒復
 讎寇遂殄吳疆後不量力滅於無彊

魏西不謂復若蓋百之數以爲三數皆百榮各
 魏西不謂復若蓋百之數以爲三數皆百榮各
 魏西不謂復若蓋百之數以爲三數皆百榮各
 魏西不謂復若蓋百之數以爲三數皆百榮各
 魏西不謂復若蓋百之數以爲三數皆百榮各
 魏西不謂復若蓋百之數以爲三數皆百榮各

史記卷四十一考證
史記卷四十一考證
 史記卷四十一考證
 史記卷四十一考證
 史記卷四十一考證
 史記卷四十一考證

史記卷四十一考證

越王勾踐世家後二十餘世至於允常○允常吳越春

秋作元常高氏越史曰夏自少康至桀中十二世按

少康元年壬午至周敬王元年壬午凡一千五百六

六十一年吳之伐越見春秋昭公三十二年敬王十年

也至是二千五百七十年矣越之傳國至於元常何

止二十餘世耶吳人獻之越蘇書亦於越王入於越

吳師敗於檣李○越絕書作就李吳世家作姑蘇蓋人

越王謂范蠡曰正義會稽典錄云○典監本訛作興今

改正夫蠡亦吳人蓋吳王夫差遣蠡於越而知之○

乃令大夫種行成於吳正義范蠡從大竇蹲而吠之○
犬監本訛作人今改正典發云○曲禮本指狗與今
二歲而吳歸蠡勾踐自會稽歸○國語勾踐與范蠡入
官於吳三年而吳人遣之越絕書亦作越王入官於
吳三年吳王歸之○
大夫逢同諫曰○越絕書作馮同吳越春秋作扶同
虜齊高國以歸○
臣照按哀十一年左傳戰于艾陵展
如敗高子國子敗胥門巢王卒助之大敗齊師獲國
書公孫夏閭丘明陳書東郭書革車八百乘甲首三
千以獻於公是高子敗國子見虜也後又云歸國子

之元想當時歿於陳耳此兼言高子與左傳異

乃發習流二千索隱虞書云流宥五刑按流放之罪人
使之習戰任為卒伍有二千人也正義謂先慣習流
利戰陣死者二千人也○徐天祐吳越春秋注曰笠
澤之戰越以三軍潛涉蓋以舟師勝此所謂習流是
即習水戰之兵若曰使罪人習戰越一小國流放者
何至三千人哉

教士四萬人○吳越春秋教士作俊士對因太宰嚭而
吳王使公孫雄○吳越春秋作王孫駱國語作王孫雄
誅太宰嚭○
臣照按吳世家越王滅吳誅太宰嚭伍子

胥傳亦云殺王夫差而誅太宰嚭吳越春秋誅嚭并
吳妻子但越滅吳之後二年是爲哀公二十四年左傳
公如越將妻公而多與之地季孫懼使因太宰嚭而
納賂焉乃止然則吳之亡也嚭遂仕越固無恙也

子教寡人伐吳七術正義四曰遺之好美以熒其志○

臣照 按熒猶惑也作榮者非

子王鮒與立○左傳作適郢吳越春秋作興夷卽位一
年卒

商於析酈宋胡之地正義酈音攤○酈字無攤音疑攤
字之誤

盡取故吳地至浙江○

臣照

按兩漢刊誤補遺曰吳故

地在今吳松江太湖北太史公所云豈以吳伐越嘗
至會稽耶勾踐棲于會稽韋昭謂山在今山陰南七
里是吳師入越嘗絕江而至山陰不止浙江之北而
已其實入越與入郢同雖嘗深入其國都而不能有
其地然則吳地止於松江非浙江也王仲任以爲餘
暨以南屬越錢塘以北屬吳錢塘之江兩國界址又
唐人詩有到江吳地盡隔岸越山多之句皆未深考
之故

北破齊於徐州集解徐廣曰周顯王之四十六年○攷

井通鑑在周顯王之三十五年顯王之四十六年○文

唐人舊唐書曰吳越盡開崇越山冬之何皆朱采寺

置以南屬越越越以井屬吳越越之山兩國界也又

其越然則吳越之越也非越也王仲升以爲籍

子其實人越與人越同雖嘗采人其國越而不謂

里景吳越人越嘗越也而山劍不立越也之井山

至會稽軍中越越下會稽章以備山也今山劍南小

此古今吳越之越也井太史公謂之豈以吳越嘗

史記卷四十一考證○臣案對兩篇所載越越曰吳越

史記卷四十一太史公謂之豈以吳越嘗

今公漢后封吳太史公謂之豈以吳越嘗

宋中郎外兵曹參軍裴駙集解不謂

唐國子博士弘文館學士司馬貞索隱

唐諸王侍讀率府長史張守節正義

鄭世家第十二之南河曰何以據曰此說將

鄭桓公友者周厲王少子而宣王庶弟也集解徐廣曰

宣王立二十二年友初封于鄭索隱鄭縣名屬京兆秦

是地又系本云桓公居棧林徙拾宋忠云棧林與拾皆

舊地名是封桓公乃名爲鄭耳至秦之縣鄭是鄭武公

東徙新鄭之後其舊鄭乃是故封三十三歲百姓皆便

乾隆四年校刊

史記卷四十一

世宗

愛之幽王以為司徒集解韋昭曰幽王八年為司徒和

集周民周民皆說河雒之間人便思之為司徒一歲幽

王以褒后故王室治多邪諸侯或畔之於是桓公問太

史伯集解虞翻曰周大史曰王室多故予安逃死乎太史伯對曰

獨雒之東土河濟之南可居公曰何以對曰地近虢郟

集解徐廣曰虢在成臯郟在密縣駟案虞翻曰虢姬姓

東虢也郟妘姓正義括地志云洛州汜水縣古東虢叔

之國東虢君也又云故郟城在虢郟之君貪而好利索隱

鄭語云虢叔恃勢郟仲恃險皆有驕侈又加百姓不附

今公為司徒民皆愛公公誠請居之虢郟之君見公方

用事輕分公地公誠居之虢郟之民皆公之民也公曰

吾欲南之江上何如對曰昔祝融為高辛氏火正其功

大矣而其於周未有興者楚其後也周衰楚必興興非

鄭之利也公曰吾欲居西方何如索隱國語曰公曰謝

曰謝申伯之國謝西有九州二對曰其民貪而好利難

久居公曰周衰何國興者對曰齊秦晉楚乎夫齊姜姓

伯夷之後也伯夷佐堯典禮秦嬴姓伯翳之後也伯翳

佐舜懷柔百物及楚之先皆嘗有功於天下而周武王

克紂後成王封叔虞于唐集解徐廣曰晉世家曰唐叔

古國堯之後其君曰叔虞何以知然據此系家下文云

唐人之季代曰唐叔虞當武王邑姜方動大叔夢天帝

命而子曰虞與之唐及生有文在手曰虞遂以名之及

乾隆四年校刊

史記卷四十二

七

君之名其地阻險以此有德與周衰並亦必興矣桓公

曰善於是卒言王東徙其民維東而號鄆果獻十邑

虞翻曰十邑謂號鄆鄆蔽補丹依味歷莘也索隱國語云太史伯曰若克二邑鄆蔽補丹依味歷莘君之土也

虞翻註皆依國語為說竟國之集解韋昭曰後武公竟取十二歲

犬戎殺幽王於驪山下并殺桓公鄭人共立其子掘突

正義上求勿反是為武公索隱譙周云名突滑皆非也蓋

反下戶骨反妄記之耳何以知其然者按下文其孫昭公名忽厲公

名突豈有孫與祖同名乎當是舊史雜記昭厲忽突之

名遂誤以掘突為武公之字耳武公十年娶申侯女正義括地志云故

縣北三十里左傳云鄭武公取於申也為夫人曰武姜生太子寤生生之

難及生夫人弗愛後生少子叔段段生易夫人愛之

集解徐廣曰年表云十四年生寤生十七年生太叔段

二十七年武公疾夫人請公欲立段為太子公弗聽是歲武公卒寤生立是為莊公

莊公元年封弟段於京集解賈逵曰京鄭都邑號太叔

祭仲曰京大於國非所以封庶也莊公曰武姜欲之我

弗敢奪也段至京繕治甲兵與其母武姜謀襲鄭二十

二年段果襲鄭武姜為內應莊公發兵伐段段走伐京

京人畔段段出走鄆集解杜預曰鄆今鄆陵也正義鄆

多萬家舊作鄆鄆潰段出奔共今汲郡共縣也正義按今衛州

是也於是莊公遷其母武姜於城集解賈逵曰鄭

州臨潁縣是也

誓言曰不至黃泉

泉在地中故言黃泉

毋相

乾隆四年校刊

見也居歲餘已悔思母穎谷之考叔

集解賈逵曰穎谷鄭地正義括地志

云穎水源自洛州嵩高縣東南三十里陽乾山今俗名穎山泉源出山之東谷其側有古人居處俗名為穎墟故老云是穎考叔故居即颯元注水經所謂穎谷也有獻於公公賜食考叔曰臣

有母請君食賜臣母莊公曰我甚思母惡負盟奈何考

叔曰穿地至黃泉則相見矣於是遂從之見母二十四

年宋繆公卒公子馮奔鄭鄭侵周地取禾

索隱左傳隱二年鄭武公

莊公為平王卿士王貳于虢及王崩周人將畀虢公政夏四月鄭祭足帥師取溫之麥秋又取成周之禾

十五年衛州吁弑其君桓公自立與宋伐鄭以馮故也

二十七年始朝周桓王桓王怒其取禾弗禮也

索隱杜預曰桓

公即位周鄭交惡至是始朝故言始也左傳又曰周桓公言於王曰我周之東遷晉鄭焉依善鄭以勸來者猶

懼不蕲況不禮焉鄭不來矣

二十九年莊公怒周弗禮與魯易訪許

田索隱許田近許之地魯朝宿之邑訪者鄭所受助祭太山之湯沐邑鄭以天子不能巡守故以訪易許田

各從三十三年宋殺孔父三十七年莊公不朝周周桓

王率陳蔡虢衛伐鄭莊公與祭仲高渠彌發兵自救

索隱

左傳稱祭仲足蓋祭是邑其人名仲字仲足故傳云祭封人中足是也此繻葛之戰在魯桓五年彌作昧並音

迷王師大敗祝瞻射中王臂

索隱左氏作祝聃

祝瞻請從之鄭

伯止之曰犯長且難之況敢陵天子乎乃止夜令祭仲

問王疾三十八年北戎伐齊齊使求救鄭遣太子忽將

兵救齊齊釐公欲妻之忽謝曰我小國非齊敵也時祭

仲與俱勸使取之曰君多內寵

集解服虔曰言庶子有寵者多

太子無

大援將不立三公子皆君也所謂三公子者太子忽其弟突次弟子亶也

索隱此文則數太子忽及突子亶為子儀為三而杜預云不數太子以子突子亶蓋得之四十二年鄭莊公卒初祭仲甚有寵於莊公

莊公使為卿公使娶鄧女生太子忽故祭仲立之是為

昭公莊公又娶宋雍氏女

厲公突雍氏有寵於宋

仲之立忽乃使人誘召祭仲而執之曰不立突將死亦

執突以求賂焉祭仲許宋與宋盟以突歸立之昭公忽

聞祭仲以宋要立其弟突九月辛亥忽出奔衛已亥突

至鄭立是為厲公厲公四年祭仲專國政厲公患之陰

使其壻雍糾欲殺祭仲

之謂其母曰父與夫孰親母曰父一而已人盡夫也

反殺雍糾戮之於市厲公無奈祭仲何怒糾曰謀及婦

人死固宜哉夏厲公出居邊邑櫟

鄭厲公突因櫟人殺其大夫單伯

遂居之諸侯聞厲公出奔伐鄭弗克而去宋

頗予厲公兵自守於櫟鄭以故亦不伐櫟昭公二年自

集解賈逵曰糾妻祭仲女也知雍糾鄭大夫

杜預曰婦人在室則天父出則天夫女以為疑故母以所生為本解之女乃告祭仲祭仲

集解杜預曰鄭守櫟大夫也索隱依左傳

乾隆四年校刊

史記卷四十二

世家

五

昭公為太子時父莊公欲以高渠彌為卿太子忽惡之
 莊公弗聽卒用渠彌為卿及昭公即位懼其殺已冬十
 月辛卯渠彌與昭公出獵射殺昭公於野祭仲與渠彌
 不敢入厲公乃更立昭公弟子亶為君是為子亶也無
 諡號子亶元年七月齊襄公會諸侯於首止集解服虔曰首止近
 鄭之地杜預曰首止衛地陳留襄邑縣東南有首鄉鄭子亶往會高渠彌相從祭
 仲稱疾不行所以然者子亶自齊襄公為公子之時嘗
 會鬪相仇及會諸侯祭仲請子亶無行子亶曰齊疆而
 厲公居櫟即不往是率諸侯伐我內厲公我不如往往
 何遽必辱且又何至是卒行於是祭仲恐齊并殺之故

稱疾子亶至不謝齊侯齊侯怒遂伏甲而殺子亶高渠

彌亡歸左氏云歸與祭仲謀召子亶弟公子嬰於

陳而立之是為鄭子左氏以鄭子名子是歲齊襄

公使彭生醉拉殺魯桓公鄭子八年齊人管至父等作

亂弑其君襄公十二年宋人長萬弑其君湣公鄭祭仲

死十四年故鄭亡厲公突在櫟者使人誘劫鄭大夫甫

瑕要以求入左傳作傳瑕此本多假借亦依字讀瑕曰舍我我為君殺

鄭子而入君厲公與盟乃舍之六月甲子瑕殺鄭子及

其二子而迎厲公突突自櫟復入即位初內蛇與外蛇

鬪於鄭南門中內蛇死居六年厲公果復入入而讓其

伯父原

索隱左傳謂之原繁

曰我亡國外居伯父無意入我亦甚

矣原曰事君無二心人臣之職也原知罪矣遂自殺厲

公於是謂甫瑕曰子之事君有二心矣遂誅之瑕曰重

德不報誠然哉厲公突後元年齊桓公始霸五年燕衛

與周惠王弟頹伐王

索隱惠王莊王孫僖王子子頹莊王之妾王姚所生事在莊十九年

王出奔溫立弟頹為王六年惠王告急鄭厲公發兵擊

周王子頹弗勝於是與周惠王歸王居于櫟七年春鄭

厲公與虢叔襲殺王子頹而入惠王于周秋厲公卒子

文公踧立

索隱踧音在接反系本云文公徙鄭宋忠云即新鄭也

厲公初立四歲

亡居櫟居櫟十七歲復入立七歲與亡凡二十八年文

公十七年齊桓公以兵破蔡遂伐楚至召陵二十四年

文公之賤妾曰燕姑

集解賈逵曰燕姓

夢天與之蘭

集解賈逵曰香

名曰余為伯儵余爾祖也

集解賈逵曰伯儵南燕祖

以是為而子

集解

王肅曰以是蘭也為汝子之名

蘭有國香以夢告文公文公幸之而子

之草蘭為符遂生子名曰蘭三十六年晉公子重耳過

文公弗禮文公弟叔詹曰重耳賢且又同姓窮而過君

不可無禮文公曰諸侯亡公子過者多矣安能盡禮之

詹曰君如弗禮遂殺之弗殺使即反國為鄭憂矣文公

弗聽三十七年春晉公子重耳反國立是為文公秋鄭

入滑滑聽命已而反與衛於是鄭伐滑

索隱左傳僖二十四年鄭公子

土泄堵俞彌

周襄王使伯備請滑

索隱備音服左氏王使伯服游孫伯如鄭

請滑杜預云二子周大夫知伯備即伯服也

鄭文公怨惠王之亡在櫟而文

公父厲公入之而惠王不賜厲公爵祿

索隱此言爵祿與左氏說異左

傳云鄭伯享王王以后之聲鑑與之號公請器王予之爵則爵酒器非爵祿也故曰與左氏說異

又怨

襄王之與衛滑故不聽襄王請而囚伯備王怒與翟人

伐鄭弗克冬翟攻伐襄王襄王出奔鄭鄭文公居王于

汜三十八年晉文公入襄王成周四十一年助楚擊晉

自晉文公之過無禮故背晉助楚四十三年晉文公與

秦穆公共圍鄭討其助楚攻晉者及文公過時之無禮

也初鄭文公有三夫人寵子五人皆以罪蚤死公怒漑

集解徐廣曰一作瑕

逐羣公子子蘭奔晉從晉文公圍

鄭時蘭事晉文公甚謹愛幸之乃私於晉以求入鄭為

太子晉於是欲得叔詹為僂鄭文公恐不敢謂叔詹言

詹聞言於鄭君曰臣謂君君不聽臣晉卒為患然晉所

以圍鄭以詹詹死而赦鄭國詹之願也乃自殺鄭人以

詹尸與晉晉文公曰必欲一見鄭君辱之而去鄭人患

之乃使人私於秦曰破鄭益晉非秦之利也秦兵罷晉

文公欲入蘭為太子以告鄭鄭大夫石癸曰吾聞姑姓

乃后稷之元妃

集解杜預曰姑姓之女為后稷妃

其後當有興者子蘭

母其後也且夫人子盡已死餘庶子無如蘭賢今圍急

晉以為請利孰大焉遂許晉與盟卒而立子蘭為太子
 晉兵乃罷去四十五年文公卒子蘭立是為繆公繆公
 元年春秦繆公使三將將兵欲襲鄭至滑逢鄭賈人弦
 高詐以十二牛勞軍故秦兵不至而還晉敗之於峭初
 往年鄭文公之卒也鄭司城繆賀以鄭情賣之秦兵故
 來三年鄭發兵從晉伐秦敗秦兵於汪往年集解徐廣曰繆公之
 二楚太子商臣弑其父成王代立二十一年與宋華元
 伐鄭華元殺羊食士不與其御羊斟怒以馳鄭鄭囚華
 元宋贖華元元亦亡去晉使趙穿以兵伐鄭二十二年
 鄭繆公卒子夷立是為靈公靈公元年春楚獻鼃於靈

公子家子公將朝靈公

集解賈逵曰二子鄭卿也

子公之食指動

集解

服虔曰第二指

謂子家曰佗日指動必食異物及入見靈公進

鼃羹子公笑曰果然靈公問其笑故具告靈公靈公召

之獨弗予羹子公怒染其指

集解駟案左傳曰染指於鼎

嘗之而出

公怒欲殺子公子公與子家謀先夏弑靈公鄭人欲立

靈公弟去疾去疾讓曰必以賢則去疾不肖必以順則

公子堅長堅者靈公庶弟

集解徐廣曰年表云靈公庶兄

去疾之兄也

於是乃立子堅是為襄公襄公立將盡去繆氏繆氏者

殺靈公子公之族家也去疾曰必去繆氏我將去之乃

止皆以為大夫襄公元年楚怒鄭受宋賂縱華元伐鄭

鄭背楚與晉親五年楚復伐鄭晉來救之六年子家卒
 國人復逐其族以其弑靈公也七年鄭與晉盟鄆陵八
 年楚莊王以鄭與晉盟來伐圍鄭三月鄭以城降楚楚
 王入自皇門鄭襄公肉袒擊羊以迎曰孤不能事邊邑
 使君王懷怒以及弊邑孤之罪也敢不惟命是聽君王
 遷之江南及以賜諸侯亦惟命是聽若君王不忘厲宣
 王桓武公哀不忍絕其社稷錫不毛之地集解何休曰
穀曰不毛謙使復得改事君王孤之願也然非所敢望
不敢求肥饒也敢布腹心惟命是聽莊王為却三十里而後舍楚羣
 臣曰自郢至此士大夫亦久勞矣今得國舍之何如莊

王曰所為伐伐不服也今已服尚何求乎卒去晉聞楚
 之伐鄭發兵救鄭其來持兩端故遲比至河楚兵已去
 晉將率或欲渡或欲還卒渡河莊王聞還擊晉鄭反助
 楚大破晉軍於河上十年晉來伐鄭以其反晉而親楚
 也十一年楚莊王伐宋宋告急于晉晉景公欲發兵救
 宋伯宗諫晉君曰天方開楚未可伐也乃求壯士得霍
 人解揚字子虎誑楚令宋毋降過鄭鄭與楚親乃執解
 揚而獻楚楚王厚賜與約使反其言令宋趣降三要乃
 許於是楚登解揚樓車集解服虔曰樓車所以窺望敵
軍兵法所謂雲梯者杜預曰樓車車上
 望櫓也令呼宋遂負楚約而致其晉君命曰晉方悉國
 望櫓也

乾隆四年校刊

史記卷四十二 世家

兵以救宋宋雖急慎毋降楚晉兵今至矣楚莊王大怒

將殺之解揚曰君能制命為義臣能承命為信受吾君

命以出有死無隕集解服虔曰隕墜也莊王曰若之許我已而背

之其信安在解揚曰所以許王欲以成吾君命也將死

顧謂楚軍曰為人臣毋忘盡忠得死者楚王諸弟皆諫

王赦之於是赦解揚使歸晉爵之為上卿十八年襄公

卒子悼公潰立索隱劉音祕鄒本一作弗悼公元年

鄒公集解徐廣曰音許許公靈公也惡鄭於楚悼公使弟踰於楚自訟

索隱踰音公遜反訟不直楚囚踰於是鄭悼公來與晉平遂親

踰私於楚子反子反言歸踰於鄭二年楚伐鄭晉兵來

救是歲悼公卒立其弟踰是為成公成公三年楚共王

曰鄭成公孤有德焉使人來與盟成公私與盟秋成公

朝晉晉曰鄭私平於楚執之使欒書伐鄭四年春鄭患

晉圍公子如乃立成公庶兄繻為君索隱繻音須鄒氏云一作纏其

四月晉聞鄭立君乃歸成公鄭人聞成公歸亦殺君繻

迎成公晉兵去十年背晉盟盟於楚晉厲公怒發兵伐

鄭楚共王救鄭晉楚戰鄢陵楚兵敗晉射傷楚共王目

俱罷而去十三年晉悼公伐鄭兵於洧上集解服虔曰洧水名正義

括地志云洧水在鄭州新鄭縣北三里古新鄭城南韓詩外傳云鄭俗二月桃花水出時會於溱洧水上以自

祓除按在古城城南與溱水合鄭城守晉亦去十四年成公卒子暉立

乾隆四年校刊

是為釐公

索隱 暉音紆粉 反左傳作鬃原

釐公五年鄭相子駟朝釐公

釐公不禮子駟怒使厨人藥殺釐公

集解 徐廣曰年表云子駟使賊夜弑

釐公赴諸侯曰釐公暴病卒立釐公子嘉嘉時年五歲是

為簡公簡公元年諸公子謀欲誅相子駟子駟覺之反

盡誅諸公子二年晉伐鄭鄭與盟晉去冬又與楚盟子

駟畏誅故兩親晉楚三年相子駟欲自立為君公子子

孔使尉止殺相子駟而代之子孔又欲自立子產曰子

駟為不可誅之今又效之是亂無時息也於是子孔從

之而相鄭簡公四年晉怒鄭與楚盟伐鄭鄭與盟楚共

王救鄭敗晉兵簡公欲與晉平楚又囚鄭使者十二年

簡公怒相子孔專國權誅之而以子產為卿十九年簡

公如晉請衛君還而封子產以六邑

集解 服虔曰四井為邑

子產

讓受其三邑二十二年吳使延陵季子於鄭見子產如

舊交謂子產曰鄭之執政者侈難將至政將及子子為

政必以禮不然鄭將敗子產厚遇季子二十三年諸公

子爭寵相殺又欲殺子產公子或諫曰子產仁人鄭所

以存者子產也勿殺乃止二十五年鄭使子產於晉問

平公疾平公曰卜而曰實沉臺駘為祟史官莫知敢問

對曰高辛氏有二子長曰閼伯季曰實沉居曠林

集解 賈逵

日曠不相能也日操干戈以相征伐后帝弗臧

集解 賈逵曰后

帝堯也集解遷闕伯于商丘主辰集解賈逵曰商邱在漳南

辰大火也集解商人是因故辰為商星集解服虔曰商人契之

伯之故地因其集解遷實沉于大夏主參集解服虔曰大夏

參星杜預曰大夏集解唐人是因服事夏商集解謂陶唐氏之胤劉

累也事夏帝孔甲封於大夏因實沉之國子孫服事夏

商也正義括地志云故唐城在絳州翼城縣西二十里

徐才宗國都城記云唐國帝堯之裔孔子所封春秋云夏

孔甲時有堯苗胄劉累者以參龍事孔子夏后嘉之賜

曰御龍氏以豕韋之後龍一雌死潛醢之以食夏后

既而使求之懼而遷於魯縣夏后蓋別封劉累之後於

夏之墟為唐侯至周成王時唐人作亂成王滅之而封

大叔遷唐子孫於杜謂之杜伯范氏所云在周為唐杜

氏也地記云唐氏在大夏之墟屬河東安縣今在絳城

西北一百里有唐城者以為唐舊國然則叔虞之封即

此地也其季世曰唐叔虞集解杜預曰唐人之當武王邑

也

姜方娠大叔夢帝謂已集解賈逵曰帝余命而子曰虞

集解杜預曰乃與之唐屬之參而蕃育其子孫及生有

取唐君之名

文在其掌曰虞遂以命之及成王滅唐而國大叔焉故

參為晉星集解賈逵曰晉主由是觀之則實沉參神也

昔金天氏有稷子曰昧為立冥師集解服虔曰金天少

長也昧為生允格臺駘集解服虔曰允臺駘能業其官

水官之長集解宣汾洮集解賈逵曰宣猶障大澤集解服

脩昧之職集解障其以處太原集解服虔曰太原汾水名杜預

帝用嘉

之國之汾川集解服虔曰沈妣蓐黃實守其祀集解賈

國臺駘今晉主汾川而滅之集解賈逵曰四

之後也

乾隆四年校刊

史記卷四十二

七

駘汾洮神也然是二者不害君身山川之神則水旱之

蓄崇之集解服虔曰崇為營攢用幣也若有早則崇祭山川之神以祈福也日月星辰之

神則雪霜風雨不時祭之若君疾飲食哀樂女色所生

也平公及叔嚮曰善博物君子也厚為之禮於子產二

十七年夏鄭簡公朝晉冬畏楚靈王之彊又朝楚子產

從二十八年鄭君病使子產會諸侯與楚靈王盟於申

誅齊慶封三十六年簡公卒子定公寧立秋定公朝晉

昭公定公元年楚公子棄疾弑其君靈王而自立為平

王欲行德諸侯歸靈王所侵鄭地于鄭四年晉昭公卒

其六卿彊公室卑子產謂韓宣子曰為政必以德毋忘

所以立六年鄭火公欲禳之子產曰不如脩德八年楚

太子建來奔十年太子建與晉謀襲鄭鄭殺建建子勝

奔吳十一年定公如晉晉與鄭謀誅周亂臣入敬王于

周索隱王避弟子朝之亂出居狄泉在昭二十三年至二十六年晉鄭入之經曰天王入于成周是也十

三年定公卒子獻公薑立獻公十三年卒子聲公勝立

當是時晉六卿彊侵奪鄭鄭遂弱聲公五年鄭相子產

卒正義括地志云子產墓在新鄭縣西南三十五里鄴

元注水經云子產墓在涇水上累石為方墳墳東北

向鄭城杜預曰鄭人皆哭泣悲之如亡親戚子產者鄭

成公少子也為人仁愛人事君忠厚孔子嘗過鄭與子

產如兄弟云及聞子產死孔子為泣曰古之遺愛也集解

乾隆四年校刊

史記卷四十二

古

賈逵云愛惠也杜預云子產見愛有古人遺風也兄事子產八年晉范中行氏

反晉告急於鄭鄭救之晉伐鄭敗鄭軍於鐵集解杜預曰戚城南

鐵邱正義括地志云鐵邱在滑州衛南縣東南十五里十四年宋景公滅曹二十

年齊田常弒其君簡公而常相於齊二十二年楚惠王

滅陳孔子卒二十六年晉知伯伐鄭取九邑三十七年

聲公卒子哀公易立集解駟案年表云三十八年哀公八年鄭人弒

哀公而立聲公弟丑是為共公公三年晉滅知伯三

十年共公卒子幽公已立幽公元年韓武子伐鄭殺幽

公鄭人立幽公弟駘是為繻公集解駟案年表曰鄭立幽公子駘繻或作繻

繻公十五年韓景侯伐鄭取雍邱鄭城京十六年鄭伐

韓敗韓兵於負黍集解徐廣曰在陽城正義括地志云負黍亭在洛州陽城縣西南三十五里故國

邑也二十年韓趙魏列為諸侯二十三年鄭圍韓之

陽翟二十五年鄭君殺其相子陽二十七年子陽之黨

共弒繻公駘而立幽公弟乙為君是為鄭君集解徐廣曰一本云

立幽公弟乙陽為君是為康公六國年表云立幽公子駘又以鄭君陽為鄭康公乙班固云鄭康公乙為韓所

滅鄭君乙立二年鄭負黍反復歸韓十一年韓伐鄭取

陽城二十一年韓哀侯滅鄭并其國

太史公曰語有之以權利合者權利盡而交疎甫瑕是

也甫瑕雖以劫殺鄭子內厲公厲公終背而殺之此與

晉之里克何異守節如荀息身死而不能存奚齊變所

乾隆四年校刊

史記卷四十一

七

從來亦多故矣

索隱述贊曰厲王之子得封於鄭代職司徒緇衣在詠號鄗獻邑祭足專命莊既犯王厲亦奔命居櫟克入夢蘭疏慶伯服生囚叔瞻尸聘釐簡之後公室不競負黍雖還韓哀日盛

鄭桓公友宣王庶弟

宣王庶弟皇甫謐亦云庶弟乃年表又云

鄭桓公友宣王母弟世家年表同出馬遷不宜自乖

異豈傳聞異辭故兩著於管耶

友初封於鄭索隱系本云桓公居域林○鄭康成詩譜

韋昭國語註皆作威林

史記卷四十二

史記卷四十二考證

鄭世家鄭桓公友者周厲王少子而宣王庶弟也○臣

照按春秋之例母弟稱弟繫兄為尊以異於其餘公

子僖二十四年左傳曰鄭有厲宣之親以厲王之子

而兼云宣王明是其母弟也服虔杜預皆云母弟此

鄭世家云宣王庶弟皇甫謐亦云庶弟乃年表又云

鄭桓公友宣王母弟世家年表同出馬遷不宜自乖

異豈傳聞異辭故兩著於管耶

友初封於鄭索隱系本云桓公居域林○鄭康成詩譜

韋昭國語註皆作威林

於是卒言王東徙其民維東而虢郟果獻十邑○臣照

又按虢郟獻十邑事先儒多言其非實毛詩疏云馬遷見國語有史伯為桓公謀取十邑之文不知桓身未得故傳會為此說耳外傳云皆子男之國虢郟為大則八邑各為其國非虢郟之地無由得獻之桓公也又左傳疏云按鄭語桓公始謀未取之也武公始國非桓公也全滅虢郟非獻邑也

又集解十邑謂虢郟鄆蔽補丹依矚歷莘也○監本讀訛丹為舟訛莘為華今俱改正

史又索隱虞翻注皆依國語為說○說監本訛作記今

類改正付五○六對秦晉輝付流秦補類辭此玉錄

生太子寤生生之難及生夫人弗愛後生少子叔段段

生易夫人愛之○臣照按十六國春秋西燕慕容皝

妻晝寢而生子左右以告方寤而起其夫曰此兒易

生似鄭莊公據此則鄭莊公生之易也諸儒解左傳

者並不用馬遷之說字之病

穎谷之考叔正義即酈元注水經○元監本訛作云今

改正奔蔡輝此以獲卽突人于對

三十三年宋殺孔父○春秋經宋督殺孔父在魯桓公

六年據年表於鄭莊為三十四年於丁亥

九月辛亥忽出奔衛○辛亥左傳作丁亥

夏厲公出居邊邑櫟○春秋經魯桓十五年五月鄭伯
突出奔蔡秋九月鄭伯突入于櫟

秋厲公卒○春秋經魯莊二十一年夏五月辛酉鄭伯
突卒此秋字應是夏字之訛

子文公躒立○左傳作捷監本訛作躒今改正

冬翟攻伐襄王○攷左傳事在秋

鄭司城緡賀以鄭情賣之○余有丁曰左傳賣鄭者杞

子乃秦人之戍鄭者

敗秦兵於汪○左傳秦晉戰於彭衙秦師敗績此汪疑

史彭衙之誤

鄭與晉盟鄆陵○左傳作辰陵

孤之罪也○之監本訛作乏今改正

兵於洧上正義與溱水合○合監本訛作名今改正

而國太叔焉○焉監本訛作爲今改正

秋定公朝晉昭公○左傳事在夏

十三年定公卒○年表十六年卒

子獻公董立○公羊作曠

聲公五年鄭相子產卒○臣照按左傳魯昭二十年鄭

子產有疾疾數月而卒是年當鄭定公之八年距聲

孟增號宅臯狼而徐廣云臯狼地名在西河者按地理志臯狼是西河郡之縣名蓋孟增幸於周成王成王居之於臯狼臯狼生衡父衡父生造父造父幸於周繆王故云臯狼

造父取驥之乘匹索隱言造父取八駿品其色齊其力使馴調也並四日乘兩日匹**正義乘**

食證反並四日乘兩日匹**與桃林**正義括地志云桃林在陝州桃林縣西至

潼關皆為桃林塞地山海經云夸父之山北有林焉名曰桃林廣闊三百里中多馬造父於此得驥騮騄耳之

乘獻周**盜驪騮騄耳獻之繆王繆王使造父御西巡**

狩見西王母樂之忘歸索隱穆天子傳曰穆王與西王母觴於瑤池之上作歌是樂而忘歸也而譙周不信此事而云余嘗聞之代俗以東西

陰陽所出入宗其神謂之王父母或曰地名在西域有

何據**而徐偃王反**正義括地志云大徐城在泗州徐城縣北三十里古之徐國也博物志云

徐君宮人娠生卵以為不祥棄於水濱孤獨母有犬名鵠倉銜所棄卵以歸覆煖之遂成小兒生偃王故宮人

聞之更收養之及長襲為徐君後鵠倉臨繆王曰馳千

死生角而九尾實黃龍也鵠倉或名后倉繆王曰馳千

里馬攻徐偃王大破之索隱譙周曰徐偃王與楚文王同時去周穆王遠矣且王者行

有周衛豈聞亂而獨長駢日乃賜造父以趙城正義晉

行于里乎並言此事非實也

縣即造父邑也**由此為趙氏自造父已下六世至奄父曰公仲**

周宣王時伐戎為御及千畝戰正義括地志云千畝原在晉州岳陽縣北九十

也**奄父脫宣王奄父生叔帶叔帶之時周幽王無道去**

周如晉事晉文侯始建趙氏于晉國自叔帶以下趙宗

益興五世而生趙夙趙夙晉獻公之十六年伐霍魏耿

而趙夙為將伐霍霍公求犇齊集解徐廣曰**晉大旱卜**

乾隆四年校刊

史記卷四十三

世家

七

山之祀晉復穰晉獻公賜趙夙耿索隱今河東皮氏縣耿鄉夙生共

孟當魯閔公之元年也共孟生趙衰字子餘索隱系本云公明生

共孟及趙夙夙生成季衰衰生宣孟盾左傳云趙衰卜

事晉獻公及諸公子莫吉卜事公子重耳吉即事重耳

重耳以驪姬之亂亡奔翟趙衰從翟伐虜咎如得二女

翟以其少女妻重耳長女妻趙衰而生盾初重耳在晉

時趙衰妻亦生趙同趙括趙嬰齊趙衰從重耳出亡凡

十九年得反國重耳為晉文公趙衰為原大夫居原任

國政索隱系本云成季徙原宋忠云今鴈門原平縣也

正義括地志云原平故城漢原平縣也在代州崞縣南三十五里崞音郭按宋忠說非也括地志云故原城在懷州濟源縣西北二里左傳云襄王以原賜晉文

公原不服文公伐原以示信原降以趙衰為原大夫即此也原本周畿內邑也文公所以反國

及霸多趙衰計策語在晉事中趙衰既反晉晉之妻固

要迎翟妻而以其子盾為適嗣晉妻三子皆下事之晉

襄公之六年而趙衰卒諡為成季趙盾代成季任國政

二年而晉襄公卒太子夷臯年少盾為國多難欲立襄

公弟雍雍時在秦使使迎之太子母日夜啼泣索隱穆嬴也

頓首謂趙盾曰先君何罪釋其適子而更求君趙盾患

之恐其宗與大夫襲誅之廼遂立太子是為靈公發兵

距所迎襄公弟於秦者靈公既立趙盾益專國政靈公

立十四年益驕趙盾驟諫靈公弗聽及食熊蹯肺不熟

殺宰人持其尸出趙盾見之靈公由此懼欲殺盾盾素
仁愛人嘗所食桑下餓人反扞救盾盾以得亡未出境
而趙穿弒靈公而立襄公弟黑臀是爲成公趙盾復反
任國政君子譏盾爲正卿亡不出境反不討賊故太史
書曰趙盾弒其君晉景公時索隱成公之子名據而趙盾卒諡爲
宣孟子朔嗣趙朔晉景公之三年朔爲晉將下軍救鄭
與楚莊王戰河上朔娶晉成公姊爲夫人晉景公之三
年大夫屠岸賈欲誅趙氏集解徐廣曰按年表救鄭及誅滅皆景公三年初趙
盾在時夢見叔帶持要而哭甚悲已而笑拊手且歌盾
卜之兆絕而後好趙史援占之曰此夢甚惡非君之身

乃君之子然亦君之咎至孫趙將世益衰屠岸賈者始
有寵於靈公及至於景公而賈爲司寇將作難乃治靈
公之賊以致趙盾徧告諸將曰盾雖不知猶爲賊首以
臣弒君子孫在朝何以懲臯請誅之韓厥曰靈公遇賊
趙盾在外吾先君以爲無罪故不誅今諸君將誅其後
是非先君之意而今妄誅妄誅謂之亂臣有大事而君
不聞是無君也屠岸賈不聽韓厥告趙朔趣亡朔不肯
曰子必不絕趙祀朔死不恨韓厥許諾稱疾不出賈不
請而擅與諸將攻趙氏於下宮殺趙朔趙同趙括趙嬰
齊皆滅其族趙朔妻成公姊有遺腹走公宮匿趙朔客

曰公孫杵曰杵曰謂朔友人程嬰曰胡不死程嬰曰朔之婦有遺腹若幸而男吾奉之卽女也吾徐死耳居無何而朔婦免身生男屠岸賈聞之索於宮中夫人置兒絝中祝曰趙宗滅乎若號卽不滅若無聲及索兒竟無聲已脫程嬰謂公孫杵曰曰今一索不得後必且復索之奈何公孫杵曰曰立孤與死孰難程嬰曰死易立孤難耳公孫杵曰曰趙氏先君遇子厚子彊爲其難者吾爲其易者請先死乃二人謀取他人嬰兒負之衣以文葆

集解

徐廣曰葆小兒被曰葆

匿山中程嬰出謬謂諸將軍曰嬰不肖

不能立趙孤誰能與我千金吾告趙氏孤處諸將皆喜

許之發師隨程嬰攻公孫杵曰杵曰謬曰小人哉程嬰昔下宮之難不能死與我謀匿趙氏孤兒今又賣我縱不能立而忍賣之乎抱兒呼曰天乎天乎趙氏孤兒何罪請活之獨殺杵曰可也諸將不許遂殺杵白與孤兒諸將以爲趙氏孤兒良已死皆喜然趙氏真孤乃反在程嬰卒與俱匿山中居十五年晉景公疾卜之大業之後不遂者爲祟景公問韓厥厥知趙孤在乃曰大業之後在晉絕祀者其趙氏乎夫自中衍者皆嬴姓也中衍人面鳥喙降佐殷帝大戊及周天子皆有明德下及幽厲無道而叔帶去周適晉事先君文侯至于成公世有

立功未嘗絕祀今吾君獨滅趙宗國人哀之故見龜策
唯君圖之景公問趙尙有後子孫乎韓厥具以實告於
是景公乃與韓厥謀立趙孤兒召而匿之宮中諸將入
問疾景公因韓厥之衆以脅諸將而見趙孤趙孤名曰
武諸將不得已乃曰昔下宮之難屠岸賈爲之矯以君
命并命羣臣非然孰敢作難微君之疾羣臣固且請立
趙後今君有命羣臣之願也於是召趙武程嬰徧拜諸
將遂反與程嬰趙武攻屠岸賈滅其族復與趙武田邑
如故

集解徐廣曰推次晉復與趙武田邑是景公之十
七年也而乃是春秋成公八年經書晉殺其大夫
趙同趙括左傳於此說立趙武及趙武冠爲成人程嬰
事者註云終說之耳非此年也

乃辭諸大夫謂趙武曰昔下宮之難皆能死我非不能
死我思立趙氏之後今趙武旣立爲成人復故位我將
下報趙宣孟與公孫杵臼趙武啼泣頓首固請曰武願
苦筋骨以報子至死而子忍去我死乎程嬰曰不可彼
以我爲能成事故先我死今我不報是以我事爲不成
遂自殺趙武服齊衰三年爲之祭邑春秋祠之世世勿

絕

集解駟案新序曰程嬰公孫杵臼可謂信友厚士矣
嬰之自殺下報亦過矣正義今河東趙氏祠先人猶

別舒一座
祭二士矣

趙氏復位十一年而晉厲公殺其大夫三郤

欒書畏及乃遂殺其君厲公更立襄公曾孫周

集解徐廣曰年

表云襄公孫也
系家云襄公少子名周

是爲悼公晉由此大夫稍彊趙

武續趙宗二十七年晉平公立平公十二年而趙武爲
正卿十三年吳延陵季子使於晉曰晉國之政卒歸於
趙武子韓宣子魏獻子之後矣趙武死諡爲文子文子
生景叔系本云景叔之時齊景公使晏嬰於晉徐廣曰平公
景叔名成晏嬰與晉叔向語嬰曰齊之政後卒歸田
氏叔向亦曰晉國之政將歸六卿六卿侈矣而吾君不
能恤也趙景叔卒生趙鞅是爲簡子趙簡子在位晉頃
公之九年簡子將合諸侯戍於周其明年入周敬王于
周辟弟子朝之故也晉頃公之十二年六卿以法誅公
族祁氏羊舌氏分其邑爲十縣六卿各令其族爲之大

夫晉公室由此益弱後十三年魯賊臣陽虎來奔趙簡

子受賂厚遇之趙簡子疾五日不知人大夫皆懼醫扁

鵲視之出董安于問集解章昭曰安于簡子家臣扁鵲曰血脉治也

而何怪在昔秦繆公嘗如此七日而寤寤之日告公孫

支與子輿索隱二子秦大夫公孫支子桑曰我之帝所甚樂吾所以久

者適有學也帝告我晉國將大亂五世不安其後將霸

未老而死霸者之子且令而國男女無別公孫支書而

藏之索隱藏一作籍籍錄也謂秦讖於是出矣獻公之

亂文公之霸而襄公敗秦師於殽而歸縱淫此子之所

聞今主君之疾與之同不出三日疾必間間必有言也

居二日半簡子寤語大夫曰我之帝所甚樂與百神游於鈞天廣樂九奏萬舞不類三代之樂其聲動人心有一熊欲來援我帝命我射之中熊熊死又有一羆來我又射之中羆羆死帝甚喜賜我二笥皆有副吾見兒在帝側帝屬我一翟犬曰及而子之壯也以賜之帝告我晉國且世衰七世而亡

正義謂晉定公出公哀公幽公烈公孝公靜公為七世靜公二年為三晉所滅據此及年表簡子之疾在定公十一年

羸姓將大敗周人於范魁

正義羸趙姓也周人謂衛也晉亡之後趙成侯三年取衛都鄙七十三是也賈逵云川阜曰魁也

而亦不能有也

索隱范魁地名不知所在蓋趙地也

今余思虞舜之勲適余將以其胄女孟姚配而七世之孫

索隱即姓羸吳廣之女姚姓孟字也

七代孫武靈王也董安于受言而書藏之以扁鵲言告簡子簡

子賜扁鵲田四萬畝他日簡子出有人當道辟之不去從者怒將刃之當道者曰吾欲有謁於主君從者以聞

簡子召之曰語吾有所見子晰也

索隱簡子見當道者乃寤曰嘻是故吾前

夢所見者知其名曰子晰也當道者曰屏左右願有謁簡子屏人當

道者曰主君之疾臣在帝側簡子曰然有之子之見我我何為當道者曰帝令主君射熊與羆皆死簡子曰是

且何也當道者曰晉國且有難主君首之帝令主君

滅二卿夫熊與羆皆其祖也

正義范氏中行氏之祖也簡子曰帝賜

我二笥皆有副何也

正義副謂皆子姓也當道者曰主君之子將

乾隆四年校刊

史記卷四十三 世家

克二國於翟皆子姓也正義謂代及智氏也簡子曰吾見兒在帝

側帝屬我一翟犬曰及而子之長以賜之夫兒何謂以

賜翟犬當道者曰兒主君之子也翟犬者代之先也主

君之子且必有代及主君之後嗣且有革政而胡服正義

謂今時服也并二國於翟正義武靈王畧中山地至寧廢除裘裳也

也簡子問其姓而延之以官當道者曰臣野人致帝命

耳遂不見簡子書藏之府異曰姑布子卿見簡子集解司馬

彪曰姑布姓子卿字簡子徧召諸子相之子卿曰無為將軍者簡

子曰趙氏其滅乎子卿曰吾嘗見一子於路殆君之子

也簡子召子毋卹毋卹至則子卿起曰此真將軍矣簡

子曰此其母賤翟婢也奚道貴哉子卿曰天所授雖賤

必貴自是之後簡子盡召諸子與語毋卹最賢簡子乃

告諸子曰吾藏寶符於常山上先得者賞諸子馳之常

山上求無所得毋卹還曰已得符矣簡子曰奏之毋卹

曰從常山上臨代代可取也正義地道記云恒山在上曲陽縣西北百四十里北

行四百五十里得恒山岷號飛狐口北則代郡也簡子於是知毋卹果賢乃廢

太子伯魯而以毋卹為太子後二年晉定公之十四年

范中行作亂明年春簡子謂邯鄲大夫午曰歸我衛士

五百家吾將置之晉陽集解服虔曰往年趙鞅圍衛衛人恐懼故貢五百家鞅置之邯

鄲又欲更徙於晉陽午許諾歸而其父兄不聽集解服虔曰午之諸父兄及邯鄲中

乾隆四年校刊

長老倍言趙鞅捕午囚之晉陽乃告邯鄲人曰我私有誅

午也諸君欲誰立集解杜預曰午趙鞅同族別封邯

殺午趙稷涉賓以邯鄲反集解服虔曰稷午子晉君使籍秦圍邯

鄲集解駟案左傳曰籍秦此時為上軍司馬索荀寅范

吉射與午善集解駟案左傳曰午荀寅之甥荀寅范吉

林父林父生宣伯庚庚生獻伯偃偃生穆伯吳吳生寅

智氏同祖逝遨故智氏亦稱荀范氏晉大夫隰叔之子

士薦之後為生成伯缺缺生武子會會生文叔燮燮生

宣叔句句生獻子不肯助秦而謀作亂董安于知之十

月范中行氏正義按會食邑於范因為范氏又中行寅

氏元與智氏因承襲逝遨姓荀氏伐趙鞅鞅奔晉陽晉人圍之范吉射

荀寅仇人魏襄等謀逐荀寅以梁嬰父代之集解賈逵

夫也逐吉射以范臯繹代之集解服虔曰范荀躒言於

晉侯曰集解服虔曰荀躒智文子索隱系本云逝遨生

盈生文子欒欒生宣君命大臣始亂者死今三臣始亂

范中行趙也而獨逐鞅用刑不均請皆逐之十一月荀

躒韓不佞魏哆奉公命以伐范中行氏索隱不佞韓簡

本名取也不克范中行氏反伐公公擊之范中行敗走丁未

二子奔朝歌索隱范吉韓魏以趙氏為請集解服虔曰

荀范也正義按趙鞅被范中行伐乃奔晉陽以其罪輕故韓魏為請晉君而得入絳十二月辛未

趙鞅入絳盟于公宮其明年知伯文子謂趙鞅曰范中

行雖信爲亂安于發之是安于與謀也晉國有法始亂者死夫二子已伏罪而安于獨在趙鞅患之安于曰臣死趙氏定晉國寧吾死晚矣遂自殺趙氏以告知伯然後趙氏寧孔子聞趙簡子不請晉君而執邯鄲午保晉陽故書春秋曰趙鞅以晉陽畔趙簡子有臣曰周舍好直諫周舍死簡子每聽朝常不悅大夫請臯簡子曰大夫無罪吾聞千羊之皮不如一狐之腋諸大夫朝徒聞唯唯不聞周舍之鄂鄂是以憂也

集解 駟案韓詩外傳曰周舍立於門下三日王夜簡子使問之曰子欲見寡人何事對曰願爲鄂鄂之臣墨筆操牘從君之過而日有記月有成歲有效也

簡子由此能附趙邑而懷晉人晉定公十八年趙簡

子圍范中行于朝歌中行文子奔邯鄲

索隱荀寅也明年衛

靈公卒簡子與陽虎送衛太子蒯聵于衛衛不內居戚

正義 括地志云故戚城在相州澶水縣東三十里杜預云戚衛邑在頓邱縣西有戚城是也晉定公

二十一年簡子拔邯鄲中行文子奔栢人簡子又圍栢

人中行文子范昭子遂奔齊

索隱 吉射也

趙竟有邯鄲栢人

范中行餘邑入于晉趙名晉卿實專晉權奉邑侔於諸

侯晉定公三十年定公與吳王夫差爭長於黃池趙簡

子從晉定公卒長吳定公三十七年卒而簡子除三年

之喪期而已是歲越王勾踐滅吳晉出公十一年知伯

伐鄭趙簡子疾使太子毋卹將而圍鄭知伯醉以酒灌

擊毋卹毋卹羣臣請死之毋卹曰君所以置毋卹為能

忍詢然亦愠知伯知伯歸因謂簡子使廢毋卹簡子不

聽毋卹由此怨知伯晉出公十七年簡子卒集解張華曰趙簡子

豕在臨水界二豕並上氣成樓閣太子毋卹代立是為襄子趙襄子元

年越圍吳正義年表及趙世家云左傳越滅吳在簡子

更有越圍吳之事從此以下至問襄子降喪食使楚隆

問吳王正義左哀公二十年傳云簡子死襄子嗣立以

公十三年簡子在黃池之役與吳王質言曰好惡同之

故滅祭饌及問吳王也而趙世家及六國年表云此年

簡子死及使吳年月皆誤與左傳文不同集解徐廣曰山

代王夫人簡子既葬未除服北登夏屋集解徐廣曰山

地志云夏屋山一名賈屋山今名賈母山在代州鴈門

縣東北三十五里夏屋與句注山相接蓋北方之險亦

天下之阻路也請代王使厨人操銅料正義音斗合作

取斟水器說以食代王及從者行斟陰令宰人各集解

文云鈎也以料擊殺代王及從官遂興兵平代地其姊聞之

泣而呼天摩笄自殺代人憐之所死地名之為摩笄之

山正義笄今簪也括地志云摩笄山一名磨笄山亦名

郡東南二十五里有馬頭山趙襄子既殺代王使人迎

其姊代王夫人曰以弟慢夫非仁也以夫怨弟非義也

磨笄自殺而死遂以代封伯魯子周為代成君伯魯者

襄子兄故太子太子蚤死故封其子襄子立四年知伯

與趙韓魏盡分其范中行故地晉出公怒告齊魯欲以

乾隆四年校刊

史記卷四十三

世家

伐四卿四卿恐遂共攻出公出公奔齊道死知伯乃立

昭公會孫驕是為晉懿公索隱或作哀公其大父名知雍即昭公少子號戴子也知

伯益驕請地韓魏韓魏與之請地趙趙不與以其圍鄭

之辱知伯怒遂率韓魏攻趙趙襄子懼乃奔保晉陽原

過從後至於王澤正義括地志云王澤在絳州正平縣南七里也見三人自帶

以上可見自帶以下不可見與原過竹二節莫通曰為

我以是遺趙毋卹原過既至以告襄子襄子齊三日親

自剖竹有朱書曰趙毋卹余霍泰山集解徐廣曰在山河東永安縣

陽侯天使也三月丙戌余將使女反滅知氏女亦立我

百邑余將賜女林胡之地至于後世且有仇王亦黑龍

面而烏喙鬚麋髭顛大膺大胷脩下而馮左袵界乘集解

徐廣曰脩或作隨界一作介奄有河宗正義穆天子傳云河宗之子孫則栢絮按蓋在龍門河之

上流嵐勝二州之地也至于休溷諸貉正義音陌自河宗休溷南諸貉乃戎狄之地也南

伐晉別正義趙南伐晉之別邑謂韓魏之邑也北滅黑姑正義亦戎國襄子再

拜受三神之令三國攻晉陽歲餘引汾水灌其城城不

浸者三版正義何休云八尺日版城中懸釜而炊易子而食羣臣

皆有外心禮益慢唯高共集解徐廣作赫不敢失禮襄子懼

乃夜使相張孟同私於韓魏索隱戰國策作張孟談談者史遷之父名遷例改為

同韓魏與合謀以三月丙戌三國反滅知氏共分其地

於是襄子行賞高共為上張孟同日晉陽之難唯共無

功襄子曰方晉陽急羣臣皆懈唯共不敢失人臣禮是

以先之於是趙北有代南并知氏疆於韓魏遂祠三神

於百邑使原過主霍泰山祠祀正義括地志云三神祀今名原過祠今在霍山

也側其後娶空同氏正義括地志云崆峒山在肅州福祿縣東南六十里古西戎地又原州平

高縣西百里亦有崆峒山即黃帝問廣成子道處俱是西戎地未知孰是生五子襄子為伯

魯之不立也不肯立子且必欲傳位與伯魯子代成君

成君先死乃取代成君子浣立為太子索隱代成君名周伯魯之子系

本云代成君子起即襄子之子不云伯魯非也襄子立三十三年卒浣立是為

獻侯獻侯少即位治中牟集解駟案地理志云河南中牟縣趙獻侯自耿徙此瓚曰

中牟在春秋之時是鄭之疆內也及三卿分晉則在魏

之邦土也趙界自漳水以北不及此春秋傳曰衛侯如

晉過中牟按中牟非衛適晉之次也汲郡古文曰齊師

伐趙東鄙圍中牟此中牟不在趙之東也按中牟當滌

水之北索隱此趙中牟在河北非鄭之中牟正義按五

鹿在魏州元城縣東十二里鄴即相州湯陰縣西五十

八里有牟山蓋中牟邑在此山側也襄子弟桓子逐獻侯自立於代索隱

云襄子子桓子與此不同一年卒國人曰桓子立非襄子意乃共殺

其子而復迎立獻侯十年中山武公初立集解徐廣曰西周桓公之

子桓公者考王弟而定王子索隱中山古鮮虞國姬姓

也系本云中山武公居顧桓公徙靈壽為趙武靈王所

滅不言誰之子孫徐廣云西周桓公之子亦無所據蓋未得其實十三年城平邑集解

地理志云代郡有平邑縣十五年獻侯卒子烈侯籍立烈侯元年魏

文侯伐中山使太子擊守之六年魏韓趙皆相立為諸

侯追尊獻子為獻侯烈侯好音謂相國公仲連曰寡人

乾隆四年校刊

史記卷四十三

世家

有愛可以貴之乎公仲曰富之可貴之則否烈侯曰然

夫鄭歌者槍石二人索隱槍音七羊反吾賜之田人萬

畝公仲曰諾不與居一月烈侯從代來問歌者田公仲

曰求未有可者有頃烈侯復問公仲終不與乃稱疾不

朝番吾君集解徐廣曰番音盤常山有番吾縣正義括

音異耳自代來謂公仲曰君實好善而未知所持今

公仲相趙於今四年亦有進士乎公仲曰未也番吾君

曰牛畜荀欣徐越皆可公仲乃進三人及朝烈侯復問

歌者田何如公仲曰方便擇其善者牛畜侍烈侯以仁

義約以王道烈侯道然正義道音由古字與攸同言牛

田攸攸氣行貌寬緩也明日荀欣侍以選練舉賢任官使能明日

徐越侍以節財儉用察度功德所與無不充君說烈侯

使使謂相國曰歌者之田且止官牛畜為師荀欣為中

尉徐越為內史正義漢書百官公卿表云少府賜相國

衣二襲單複具為一襲九年烈侯卒弟武公立索隱譙周二云系

並無其事蓋別有所據武公十三年卒趙復立烈侯太子章是為

敬侯是歲魏文侯卒敬侯元年武公子朝作亂不克出

奔魏趙始都邯鄲二年敗齊于靈邱集解駟案地理志

三年救魏于廩邱大敗齊人四年魏敗我兔臺築剛平

正義兔臺剛平並在河北以侵衛五年齊魏為衛攻趙取我剛平六

乾隆四年校刊

史記卷四十三 世家

七

年借兵於楚伐魏取棘蒲正義今趙州平棘縣古棘蒲邑也八年拔魏

黃城集解杜預曰陳留外黃縣東有黃城正義括地志云故黃城在魏州冠氏縣南因黃溝為名按陳留外黃城非隨所別也九年伐齊齊伐燕趙救燕十年與中山戰于

房子正義趙州房子縣是十一年魏韓趙共滅晉分其地伐中山

又戰於中人集解徐廣曰中山唐縣有中人亭正義括地志云中山故城一名中人亭在定州唐縣東北四十一里春秋時鮮虞國之中人邑也十二年敬侯卒子成侯種立成

侯元年公子勝與成侯爭立為亂二年六月雨雪三年

大戊午為相集解徐廣曰一作戊伐衛取鄉邑七十三魏敗我

藺正義地理志云屬西河郡也四年與秦戰高安正義蓋在河東敗之五年

伐齊于鄆正義濮州鄆城縣是魏敗我懷攻鄭敗之以與韓韓與

我長子集解駟案地理志云上黨有長子縣六年中山築長城伐魏敗涿

澤正義涿音濁徐廣云長杜有濁澤非也括地志云濁水出蒲州解縣東北平地爾時魏都安邑韓趙伐魏豈河南至長杜也解縣濁水近於魏都當是也圍魏惠王七年侵齊至長城

正義齊長城西頭在齊州平陰縣太山記云太山西北有長城緣河經太山千餘里瑯琊入海括地志云所侵處在密州南與韓攻周八年與韓分周以為兩集解徐廣曰顯王二年西

王二年周紀無此正義括地志云史記周顯王二年西周惠公封少子班於鞏為東周其子武公為秦所滅

郭緣生述征記云鞏縣本周鞏伯邑九年與齊戰阿下集解徐廣曰戰亦鞏縣本周鞏伯邑作會也正義阿東

阿也今濟州十年攻衛取甄十一年秦攻魏趙救之石

阿正義蓋在石十二年秦攻魏少梁正義少梁故城在同州韓城縣南二

十二里古趙救之十三年秦獻公使庶長國伐魏少梁

少梁國也

乾隆四年校刊

史記卷四十三

世家

七

虜其太子痤魏敗我澮取皮牢

集解徐廣曰魏年表曰取趙皮牢

云澮水縣在絳州翼城縣東南二十五里按皮牢當在澮之側

成侯與韓昭侯遇上黨

十四年與韓攻秦十五年助魏攻齊十六年與韓魏分

晉封晉君以端氏

集解徐廣曰在平陽正義端氏澤州縣也

十七年成侯與

魏惠王遇葛孽

集解徐廣曰在馬邱年表曰十八年趙孟如齊

十九年與齊宋

會平陸

正義兖州縣也平陸城即古厥國也

與燕會阿

正義括地志云故阿城一名依城又過其西又徂經其北曲曰阿以齊有東阿故曰西阿城

趙分也按燕趙即此地二十年魏獻榮椽因以為檀臺

集解徐廣曰襄國縣有檀臺索隱劉氏云榮椽蓋地名其中高處可以為臺非也按榮椽是良材可為椽登

飾有光榮所以魏獻之故趙因用之以為檀臺

立云榮屋翼也說文云椽椽也屋椽之兩頭起者為榮

也括地志云檀臺在洛州臨洛縣北二里

二十一年魏圍我邯鄲二十二年

魏惠王拔我邯鄲齊亦敗魏於桂陵

正義括地志云故桂城在曹州乘氏

縣東北二十一里故老云此即桂陵也

二十四年魏歸我邯鄲與魏盟漳

水上秦攻我藺二十五年成侯卒公子緹

音薛與太子肅

侯爭立

系本云肅侯名語

緹敗亡奔韓肅侯元年奪晉君端

氏徙處屯留

正義括地志云屯留故城在潞州長子縣東北三十里本漢屯留縣城也

二年

與魏惠王遇於陰晉

正義地理志云華陰縣魏之陰晉秦惠文王更名寧秦高帝更名華

陰今屬華州

三年公子范襲邯鄲不勝而死四年朝天子六

年攻齊拔高唐七年公子刻攻魏首垣

正義蓋在河北也十一

年秦孝公使商君伐魏虜其將公子邛趙伐魏十二年

秦孝公卒商君死十五年起壽陵集解徐廣云在常州魏惠王卒

十六年肅侯游大陵集解徐廣曰太原有大陵縣亦曰

文水縣北十三里漢大陵縣城出於鹿門正義并州孟縣西有白鹿泓

北山水大戊午扣馬集解呂忱曰扣牽馬日耕事方急一日不作

百日不食肅侯下車謝十七年圍魏黃不克集解駟案

山陽有黃縣正義黃城在魏州築長城正義劉伯莊云

前拔之却為魏今趙圍之矣蓋從雲中以北

至代按趙長城從蔚州北西至嵐州北盡趙界又疑此長城在潭水之北趙南界十八年齊魏

伐我我決河水灌之兵去二十二年張儀相秦趙疵與

秦戰敗秦殺疵河西取代蘭離石二十三年韓舉集解徐廣

日韓將與齊魏戰死于桑邱集解駟案地理志云泰山有桑邱縣正義括地志云桑邱

城在易州遂城縣界或云在泰山非也此時齊伐燕桑邱三晉皆來救之不得在泰山有桑邱縣此說甚誤也

二十四年肅侯卒秦楚燕齊魏出銳師各萬人來會葬

子武靈王立集解徐廣曰年表陽文

君趙豹相梁襄王與太子嗣韓宣王與太子倉來朝信

宮正義在洛州臨洛縣也武靈王少未能聽政博聞師三人左右

司過三人及聽政先問先王貴臣肥義加其秩國三老

年八十月致其禮三年城鄣四年與韓會于區鼠正義蓋在

河五年娶韓女為夫人八年韓擊秦不勝而去五國相

王趙獨否曰無其實敢處其名乎令國人謂已曰君九

年與韓魏共擊秦秦敗我斬首八萬級齊敗我觀澤正義

括地志云觀澤故城在魏州頓邱縣東十八里也十年秦取我西都及中陽

徐廣曰年表云秦取中都西陽安邑十一年秦敗我將軍英太原有中都縣西河有中陽縣齊破燕

燕相子之為君君反為臣十一年王召公子職於韓立

以為燕王集解徐廣曰紀年亦云爾使樂池送之集解駟案燕世家子之死後燕人共

立太子平是為燕昭王無趙送公子職為燕王之事當是趙聞燕亂遙立職為燕王雖使樂池送之竟不能就

索隱燕系家無其事蓋是疎也今此云使樂池送之必是憑舊史為說且紀年之書其說又同則裴駟之解得

其旨十三年秦拔我蘭虜將軍趙莊正義莊一作楚魏王

來過邯鄲十四年趙何攻魏十六年秦惠王卒王遊大

陵他日王夢見處女鼓琴而歌詩曰美人熒熒兮顏若

苕之榮集解綦母邃曰陵苕之草其華紫正義苕音條毛詩疏云苕饒也幽州謂之翹饒蔓似勞豆而

細葉似蒺藜而青其華細綠色可生食味如小豆藿也

又本草經曰陵苕生下濕水中七月生華紫草可以染

帛煮沐頭命乎命乎曾無我羸集解綦母邃曰言有命

髮即黑也其美好曾無我好羸也重言名呼者以談說衆也異曰

王飲酒樂數言所夢想見其狀吳廣聞之因夫人而內

其女娃羸集解方言曰娃美也吳有館娃之宮孟姚也集解徐廣曰古史

索隱孟姚吳廣女舜之後故上文云余思虞舜之勳故

命其胄女孟姚以配而七代之孫是也然後封虞在河

東太陽山西有上虞城是亦曰吳城虞吳音相近故舜後亦姓吳非獨太伯虞仲之裔孟姚甚有

寵於王是為惠后十七年王出九門集解徐廣曰在常

趙邑戰國策云本有宮室為野臺集解徐廣曰野一作

而居趙武靈王改為九門望齊中山之境十八年秦武王

與孟說舉龍文赤鼎絕臚而死集解徐廣曰一作趙王絕臚音亡丁反

使代相趙固迎公子稷於燕送歸立為秦王是為昭王

十九年春正月大朝信宮召肥義與議天下五日而畢

王北略中山之地至於房子正義趙州縣也遂之代北至無窮

西至河登黃華之上正義黃華蓋西河側之山名也召樓緩謀曰我先

王因世之變以長南藩之地屬阻漳滏之險立長城又

取藺郭狼敗林人正義即林胡也於荏而功未遂今中山在我

腹心北有燕正義地理志云趙分晉北有信都中山又得渤海郡東平舒等五縣東有胡正義趙東有瀛州之

胡鳥丸之地服虔云東胡在河以北故言北有燕西有林胡樓煩秦韓之邊正義

烏丸之先後為鮮卑也

林胡樓煩即嵐勝之北也嵐勝以南石州離石蘭等七

國時趙邑邊也秦隔河也晉洛潞澤等州皆七國時韓

地為並趙而無疆兵之救是亡社稷奈何夫有高世之

西境也名必有遺俗之累吾欲胡服樓緩曰善羣臣皆不欲於

是肥義侍王曰簡襄主之烈計胡翟之利為人臣者寵

有孝悌長幼順明之節通有補民益主之業正義寵貴

理也凡為人臣有孝弟長幼順明之節制者寵也通達

得貴寵也有補民益主之功業者為達理也此兩者臣

之分也今吾欲繼襄王之跡開於胡翟之鄉而卒世不

見也正義卒子律反盡也言盡世為敵弱正義我為胡

弱也正義序重也往古

謂趙簡子襄子也

夫有高世之功者負遺俗之累正義

負留

乾隆四年校刊

史記卷四十三

世家

三

也言古周公孔子留衣冠禮義之俗
今變為胡服是負留風俗之譴累也
有獨智之慮者任
驚民之怨正義言世有獨計智之思慮者必任隱逸敖慢之民怨望也今吾將胡服

騎射以教百姓而世必議寡人奈何肥義曰臣聞疑事
無功疑行無名王既定負遺俗之慮殆無顧天下之議
矣夫論至德者不和於俗成大功者不謀於眾昔者舜
舞有苗禹袒裸國非以養欲而樂志也務以論德而約
功也愚者闇成事智者覩未形則王何疑焉王曰吾不
疑胡服也吾恐天下笑我也狂夫之樂智者哀焉愚者
所笑賢者察焉世有順我者胡服之功未可知也雖驅
世以笑我胡地中山吾必有之於是遂胡服矣使王緹

告公子成曰寡人胡服將以朝也亦欲叔服之家聽於

親而國聽於君古今之公行也子不反親臣不逆君兄

弟之通義也集解徐廣曰兄弟一作元夷元始也夷平也今寡人作教易服

而叔不服吾恐天下議之也制國有常利民為本從政

有經令行為上明德先論於賤而行政先信於貴今胡

服之意非以養欲而樂志也事有所止而功有所出集解

逆從政之經以輔叔之議且寡人聞之事利國者行無

邪因貴戚者名不累故願慕公叔之義以成胡服之功

使緹謁之叔索隱絕句請服焉公子成再拜稽首曰臣固聞

乾隆四年校刊

史記卷四十三

世家

王之胡服也臣不佞寢疾未能趨走以滋進也王命之臣敢對因竭其愚忠曰臣聞中國者蓋聰明徇智之所居也集解徐廣曰五帝本紀曰幼而徇齊萬物財用之所聚也賢聖之所教也仁義之所施也詩書禮樂之所用也異敏技能之所試也遠方之所觀赴也蠻夷之所義行也今王舍此而襲遠方之服變古之教易古之道逾人之心而怫學者離中國故臣願王圖之也使者以報王曰吾固聞叔之疾也我將自往請之王遂往之公子成家因自請之曰夫服者所以便用也禮者所以便事也聖人觀鄉而順宜因事而制禮所以利其民而厚其國也夫翦髮文

身錯臂左衽索隱錯臂亦文身謂以丹青錯畫其臂孔衍作右臂左衽謂右袒其臂也甌越

之民也索隱劉氏云今珠崖儋耳謂之甌人是甌越時為駱越秦時曰西甌文身斷髮避龍則西甌駱又在番吾之西南越及甌駱皆芋姓也世本云越芋姓也與楚同祖黑齒雕題集解劉逵曰以草染齒用白作黑鄭是也

却冠秫紬集解徐廣曰戰國策作秫紬亦縫紬之別名也鉢者綦鍼也古字多假借故作秫紬耳此蓋言其女功鍼縷之麤拙也又一本作鮭冠黎縹也大吳之國也故禮服莫同

其便一也鄉異而用變事異而禮易是以聖人果可以利其國不一其用果可以便其事不同其禮儒者一師而俗異中國同禮而教離況於山谷之便乎故去就之變智者不能一遠近之服賢聖不能同窮鄉多異曲學

多辨不知而不疑異於已而不非者公焉而眾求盡善也今叔之所言者俗也吾所言之所以制俗也吾國東

有河薄洛之水

集解徐廣曰安平經縣西有漳水津名薄洛津

與齊中山同之

正義爾時齊與中山相親中山趙共薄洛水故言與齊中山同之須有舟楫之備

無舟楫之用

自常山以至代上黨

集解徐廣曰一云自常山以下代上黨以東

東有燕東

胡之境而西有樓煩秦韓之邊今無騎射之備故寡人

無舟楫之用夾水居之民將何以守河薄洛之水變服

騎射以備燕三胡秦韓之邊

索隱林胡樓煩東胡是三胡也

且昔者簡

主不塞晉陽以及上黨而襄主并戎取代以攘諸胡此

愚智所明也先時中山負齊之疆兵侵暴吾地係累吾

民引水圍鄯微社稷之神靈則鄯幾於不守也先王醜

之而怨未能報也今騎射之備近可以便上黨之形而

遠可以報中山之怨而叔順中國之俗以逾簡襄之意

惡變服之名以忘鄯事之醜非寡人之所望也公子成

再拜稽首曰臣愚不達於王之義敢道世俗之聞臣之

臯也今王將繼簡襄之意以順先王之志臣敢不聽命

乎再拜稽首乃賜胡服明日服而朝於是始出胡服令

也趙文趙造周紹

集解徐廣曰戰國策作紹紹音紹

趙俊皆諫止王母

胡服如故法便王曰先王不同俗何古之法帝王不相

襲何禮之循虛戲神農教而不誅黃帝堯舜誅而不怒

及至三王隨時制法因事制禮法度制令各順其宜衣服器械各便其用故禮也不必一道而便國不必古聖人之興也不相襲而王夏殷之衰也不易禮而滅然則反古未可非而循禮未足多也且服奇者志淫則是鄒魯無奇行也索隱按鄒魯好長纓是奇服也服非其志皆淫辟也而有孔門顏冉之屬豈是無奇哉俗辟者民易則是吳越無秀士也索隱言方俗辟處不通大化則是吳越無秀士何得有延州來及大夫種之屬哉且聖人利身謂之服便事謂之禮夫進退之節衣服之制者所以齊常民也非所以論賢者也故齊民與俗流賢者與變俱故諺曰以書御者不盡馬之情以古制今者不達事之變循法之

功不足以高世法古之學不足以制今子不及也遂胡

服招騎射二十年王略中山地至寧葭索隱一作蔓葭縣名在中山也

西略胡地至榆中正義勝州北林胡王獻馬歸使樓緩

之秦仇液之韓王賁之楚富丁之魏趙爵之齊代相趙

固主胡致其兵二十一年攻中山趙紹為右軍許鈞為

左軍公子章為中軍王并將之牛翦將車騎趙希并將

胡代趙與之陘集解徐廣曰一作陸又作陘或宜言趙與之陘陘者山絕之名常山有井陘中

山有苦陘上黨有闕與正義與音與陘音荆陘陘山也

在并州陘縣東南十八里然趙希并將代趙之兵與諸

軍向井陘之側共出定州上曲陽集解徐廣合軍曲陽集解徐廣

在常山下曲陽在鉅鹿正義括地志云上曲陽故城在定州曲陽縣西五里按合軍曲陽即上曲陽也在常

山郡攻取丹邱正義蓋邢州華陽正義括地志云北岳

也府二日列女宮三日華陽臺四日紫臺五日太鷗之塞

一宮按北岳恒山在定州恒陽縣北百四十里

正義上昌之反下先代反徐廣曰鷗一作鴻鴻上故關

今名汝城在定州唐縣東北六十里本晉鴻上關城也

又有鴻上水源出唐縣北葛洪山接北岳恒

山與鴻上塞皆在定州然一本作鳴字誤也王軍取部

石邑集解徐廣曰在常山正義括地志云石邑故封龍

城在恒州鹿泉縣南三十五里六國時舊邑

正義括地志云封龍山一名飛龍山在東垣中山獻四

邑請和王許之罷兵二十三年攻中山二十五年惠后

卒索隱謂武靈王之后前太子章之母惠文王之嫡母

也惠后卒後吳娃始當正室至孝成二年稱惠文后

卒是也而下文又云吳娃死後娃子使周紹胡服傅王

何寵衰憐故太子欲兩王之是誤也

子何二十六年復攻中山攘地北至燕代西至雲中九

原二十七年五月戊申大朝於東宮傅國立王子何以

為王王廟見禮畢出臨朝大夫悉為臣肥義為相國并

傅王是為惠文王惠文王惠后吳娃子也武靈王自號

為主父主父欲令子主治國而身胡服將士大夫西北

略胡地而欲從雲中九原直南襲秦於是詐自為使者

入秦秦昭王不知已而怪其狀甚偉非人臣之度使人

逐之而主父馳已脫關矣審問之乃主父也秦人大驚

主父所以入秦者欲自略地形因觀秦王之為人也惠

文王集解徐廣曰元年以二年主父行新地遂出代西

遇樓煩王於西河而致其兵三年滅中山遷其王於膚

乾隆四年校刊

施

集解徐廣曰在上郡

正義今延州膚施縣也

起靈壽

集解徐廣曰在常山北地方從

代道大通還歸行賞大赦置酒酺五日封長子章為代

安陽君

正義括地志云東安陽故城在朔州定襄縣界地理志云東安陽縣屬代郡

章素侈

心不服其弟所立主父又使田不禮相章也李兌謂肥

義曰公子章彊壯而志驕黨眾而欲大殆有私乎田不

禮之為人也忍殺而驕二人相得必有謀陰賊起一出

身微幸夫小人有欲輕慮淺謀徒見其利而不顧其害

同類相推俱入禍門以吾觀之必不久矣子任重而勢

大亂之所始禍之所集也子必先患仁者愛萬物而智

者備禍於未形不仁不智何以為國子奚不稱疾毋出

傳政於公子成毋為怨府毋為禍梯肥義曰不可昔者

主父以王屬義也曰毋變而度毋異而慮堅守一心以

歿而世義再拜受命而籍之今畏不禮之難而忘吾籍

變孰大焉進受嚴命退而不全負孰甚焉變負之臣不

容於刑諺曰死者復生生者不愧

正義肥義報李兌云必盡傳何為王不可

已在於前矣吾欲全吾言安得全吾身且夫貞臣也難至

而節見忠臣也累至而行明子則有賜而忠我矣雖然

吾有語在前者也終不敢失李兌曰諾子勉之矣吾見

子已今年耳涕泣而出李兌數見公子成以備田不禮

子已今年耳涕泣而出李兌數見公子成以備田不禮

之事異日肥義謂信期曰索隱即下文高信也正義上音申也公子與田不禮甚可憂也其於義也聲善而實惡此為人也不子不臣吾聞之也姦臣在朝國之殘也讒臣在中主之蠹也此人貪而欲大內得主而外為暴矯令為慢以擅一旦之命不難為也禍且逮國今吾憂之夜而忘寐飢而忘食盜賊出入不可不備自今以來若有召王者必見吾面我將先以身當之無故而王乃入信期曰善哉吾得聞此也四年朝羣臣安陽君亦來朝主父令王聽朝而自從旁觀窺羣臣宗室之禮見其長子章儼然也反北面為臣詘於其弟心憐之於是乃欲分趙而王章於

代計未決而輟主父及王游沙丘異宮正義在邢州平鄉縣東北二十

里也公子章即以其徒與田不禮作亂詐以主父令召王

肥義先入殺之高信即與王戰公子成與李兌自國至

乃起四邑之兵入距難殺公子章及田不禮滅其黨賊

而定王室公子成為相號安平君李兌為司寇公子章

之敗往走主父主父開之索隱開謂開門而納之俗本亦作聞者非也譙周及孔衍

皆作閉之閉謂藏也其反叛之罪容其入宮閉藏也成兌因圍主父宮公

子章死公子成李兌謀日以章故圍主父即解兵吾屬

夷矣乃遂圍主父令宮中人後出者夷宮中人悉出主

父欲出不得又不得食探爵斝而食之集解藜母邃曰斝爵子也索隱

生受哺者謂之穀

三月餘而餓死沙丘宮

集解應劭曰武靈王葬代郡靈丘縣

父定死乃發喪赴諸侯是時王少成兌專政畏誅故圍

主父主父初以長子章為太子後得吳娃愛之為不出

者數歲生子何乃廢太子章而立何為王吳娃死愛弛

憐故太子欲兩王之猶豫未決故亂起以至父子俱死

為天下笑豈不痛乎

集解徐廣曰或無此十四字

主父死惠文王立

立五年與燕鄭易

集解徐廣曰皆屬涿郡鄭音莫

八年城南行唐

集解徐廣

日在常山正義行寒庚反括地志云行唐縣屬冀州為南行唐築城

九年趙梁將與齊合

軍攻韓至魯關下及

正義劉伯莊云蓋在南陽魯陽關按汝州魯山縣古穀陽城

十

年秦自置為西帝十一年董叔與魏氏伐宋得河陽於

魏秦取梗陽

集解杜預曰太原晉陽縣南梗陽城也

所據小別也

正義括地志云梗陽故城在并州清源縣南百二十步分晉陽縣置本漢榆次縣地春秋晉大夫

邲氏也十二年趙梁將攻齊十三年韓徐為將攻齊公主

死

索隱蓋吳娃女

十四年相國樂毅將趙秦韓魏燕攻

齊取靈邱

索隱然此下文十五年重擊齊是此文為得蓋此

年同伐齊耳

與秦會中陽

正義括地志中陽故城在汾州偃城縣南漢中陽縣

也十五年燕昭王來見趙與韓魏秦共擊齊齊王敗走

燕獨深入取臨菑十六年秦復與趙數擊齊齊人患之

蘇厲為齊遺趙王書曰臣聞古之賢君其德行非布於

海內也教順非洽於民人也祭祀時享非數常於鬼神

也甘露降時雨至年穀豐熟民不疾疫衆人善之然而賢主圖之今足下之賢行功力非數加於秦也怨毒積怒非素深於齊也秦趙與國以疆徵兵於韓秦誠愛趙乎其實憎齊乎物之甚者賢主察之秦非愛趙而憎齊也欲亡韓而吞二周故以齊餽天下恐事之不合故出兵以劫魏趙恐天下畏已也故出質以爲信恐天下亟反也故徵兵於韓以威之聲以德與國而實伐空韓與國趙也秦趙今爲與國秦徵兵於韓共趙伐齊以威聲和趙是以德與國也臣以秦計爲必出於此夫物固有勢異而患同者楚久伐而中山亡今齊久伐而韓必亡破齊王與六國分其利也亡韓秦獨

擅之收二周西取祭器秦獨私之賦田計功王之獲利

孰與秦多說士之計曰韓亡三川正義河南之間魏亡晉

國正義河北之地安邑河內市朝未變而禍已及矣燕盡齊之北地

去沙邱鉅鹿歛三百里正義沙邱邢州也鉅鹿冀州也齊北界貝州也歛滅也言破齊

滅韓之後燕之南界秦之東界相去滅三百里趙國在中間也韓之上黨去邯鄲百里

燕秦謀王之河山間三百里而通矣秦之上郡正義鄴延等州

也近挺關至於榆中者千五百里秦以三郡攻王之上

黨正義秦上黨郡今澤潞儀沁等四州之地兼相州之半韓摠有之至七國時趙得儀沁二州之地韓猶有

潞州及澤州之半半屬趙魏沁州在羊腸坂之西儀并

代之三州在勾注山之南秦以三郡攻趙之澤潞則勾注

之南趙無地然秦始皇置上黨郡此言羊腸之西正義太行

山坂道名南屬正義句注山在代州西北也非王有已踰

句注斬常山而守之三百里而通於燕代馬胡犬不東

正義言秦踰句注山斬常山而守之西北代馬胡犬

野犬似不東入沙州崑山之玉亦不出至趙矣郭璞云胡地

狐而小齊從疆秦攻韓其禍必至於此願王熟慮之且齊之所

以伐者以事王也正義以趙王為事也天下屬行以謀王

也正義上音燭下胡郎反言秦欲令齊燕秦之約成而

兵出有日矣五國三分王之也正義謂秦齊韓魏齊倍

五國之約而殉王之患正義齊王以身西兵以禁疆秦

秦廢帝請服正義言秦齊相約欲更反高平根柔於魏

重稱帝故言廢帝也

集解徐廣曰紀年云魏襄王四年改河陽曰河雍向日

高平也根柔一作槐柔一作平柔正義返還也括地志

二云高平故城在懷州河陽縣西四十里紀年云反豎分

魏哀王改向日高平也根柔未詳兩邑魏地也反豎分

集解徐廣曰一作先俞於趙集解徐廣曰爾雅曰西俞

王公豎音胡鼎反先俞於趙雁門是也正義豎音邢分

字誤當作山字括地志云句注山一名西陘山在代州

雁門縣西北四十里俞音戊郭注云西陘即雁門山也

按西先聲相近蓋陘山西險二山齊之事王宜為上倭

之地並在代州雁門縣皆趙地也齊之事王宜為上倭

索隱倭而今乃抵臯正義謂共臣恐天下後事王者之

不敢自必也願王熟計之也今王母與天下攻齊天下

必以王為義齊抱社稷而厚事王天下必盡重王義王

以天下善秦秦暴王以天下禁之是一世之名寵制於

王也於是趙乃輟謝秦不擊齊王與燕王遇廉頗將攻

乾隆四年校刊

史記卷四十三 世家

三

齊昔陽

正義括地志云昔陽故城一名陽城在并州樂平縣東春秋釋地名云昔陽肥國所都也樂平

種也樂平縣城漢沾縣城也

取之十七年樂毅將趙

師攻魏伯陽

正義括地志云伯陽故城一名邯鄲城在相州鄴縣西五十五里七國時魏邑漢邯

會城而秦怨趙不與已擊齊伐趙拔我兩城十八年秦拔

我石城

正義地理志云右北平有石城縣括地志云石城在相州林慮縣西南九十里疑相州石城是

王再之衛東陽決河水

正義括地志云東陽故城在貝州歷亭縣界按東陽先屬衛今

屬趙河歷貝州南東北流過河南岸即伐魏氏大潦漳

水出魏冉來相趙十九年秦敗我二城趙與魏伯陽趙

奢將攻齊麥邱取之二十年廉頗將攻齊王與秦昭王

遇西河外

集解徐廣曰年表云與秦會澠池二十一年趙徙漳水武平

西

正義括地志云武平亭今名渭城在瀛州文安縣北七十二里按二十七年又徙漳水武平南二十

二年大疫置公子丹為太子二十三年樓昌將攻魏幾

正義音祈傳云伐齊幾拔之又戰國策云秦敗闕與不

能取十二月廉頗將攻幾取之二十四年廉頗將攻魏

房子

集解徐廣曰屬常山拔之因城而還又攻安陽取之二十五

年燕周將攻昌

集解徐廣曰屬齊郡索隱燕周趙人為趙將正義括地志云故昌城在淄州淄

川縣東北

也城高唐取之與魏共擊秦秦將白起破我華

陽

正義括地志云故華陽城在鄭州管城縣南四十里

於華陽

得一將軍二十六年取東胡正義今歐代地索隱

蓋東胡叛趙驅畧代地正義今歐代地索隱人眾以叛故取之也

乾隆四年校刊

史記卷四十三

世家

三

豹為平陽君

集解 駟案戰國策曰趙豹平陽君惠文王母弟

河水出大潦二十

八年藺相如伐齊至平邑

正義 括地志云平邑故城在魏州昌樂縣東北四十里也

罷城北九門大城

正義 恒州九門縣城

燕將成安君公孫操弒其

王

集解 徐廣曰年表云是燕武成王元年 樂資云其王即惠王

二十九年秦韓相

攻而圍闕與

正義 上於連反下音預括地志云闕與聚落今名烏蘇城在潞州銅鞮縣西北二十

里又儀州順和縣城亦云韓闕與邑二所未詳趙使趙

奢將擊秦大破秦軍闕與下賜號為馬服君

正義 因馬服山為號

也虞喜志林云馬兵之首也號曰馬服者言能服馬也括地志云馬服山邯鄲縣西北十里也

三十三

集解 徐廣

年惠文王卒太子丹立是為孝成王孝成王元年秦急攻之

日平原君相也秦伐我拔三城趙王新立太后用事秦急攻之

趙氏求救於齊齊曰必以長安君

正義 長安君者以為長安善故名也

質兵乃出

索隱 孔衍云長安君惠文后之少子也趙亦有長安今其地闕

太后不肯大

臣彊諫太后明謂左右曰復言長安君為質者老婦必

唾其面左師觸龍言願見太后太后盛氣而胥之入

集解

駟案胥猶須也穀梁傳曰胥其出也

徐趨而坐自謝曰老臣病足曾不能

疾走不得見久矣竊自恕而恐太后體之有所苦也故

願望見太后太后曰老婦恃輦而行

索隱 東哲云趙惠文王子何者吳廣

之甥娃嬴之子也如系家計之則武靈王十六年夢吳

娃而納之至二十七年王薨及惠文王三十二年卒孝

成王元年遣長安君質於齊若娃年二十八入王宮至此

奇者曰食得毋衰乎曰恃粥耳曰老臣閒者殊不欲食

乃疆步日三四里少益嗜食和於身也太后曰老婦不能太后不和之色少解左師公曰老臣賤息舒祺最少不肖而臣衰竊憐愛之願得補黑衣之缺以衛王宮昧死以聞太后曰敬諾年幾何矣對曰十五歲矣雖少願及未填溝壑而託之太后曰丈夫亦愛憐少子乎對曰甚於婦人太后笑曰婦人異甚對曰老臣竊以爲媼之愛燕后賢於長安君太后曰君過矣不若長安君之甚左師公曰父母愛子則爲之計深遠媼之送燕后也持其踵爲之泣念其遠也亦哀之矣已行非不思也祭祀則祝之曰必勿使反豈非計長久爲子孫相繼爲王也

哉太后曰然左師公曰今三世以前至於趙主之子孫爲侯者其繼有在者乎曰無有曰微獨趙諸侯有在者乎曰老婦不聞也曰此其近者禍及其身遠者及其子孫豈人主之子侯則不善哉位尊而無功奉厚而無勞而挾重器多也今媼尊長安君之位而封之以膏腴之地多與之重器而不及今令有功於國一旦山陵崩長安君何以自託於趙老臣以媼爲長安君之計短也故以爲愛之不若燕后太后曰諾恣君之所使之於是爲長安君約車百乘質於齊齊兵乃出子義聞之義趙子賢人曰人主之子骨肉之親也猶不能持無功之尊無勞

之奉而守金玉之重也而況於予乎齊安平君

正義括地志云

安平城在青州臨淄縣東十九里古紀之鄒邑也

田單將趙師而攻燕中陽

正義

燕無中陽括地志云中山故城一名中人亭在定州唐縣東北四十一里爾時屬燕國也

拔之又攻

韓注人

正義邑名也括地志云注城在汝州梁縣西十五里蓋是其地也

拔之二年惠

文后卒田單為相四年王夢衣偏裒之衣

正義杜預云偏裒左右異色

裒在中左右異故曰偏按裒衣背縫也

乘飛龍上天不至而墜見金玉之

積如山明日王召筮史敢占之曰夢衣偏裒之衣者殘

也乘飛龍上天不至而墜者有氣而無實也見金玉之

積如山者憂也後三日韓氏上黨守馮亭使者至曰韓

不能守上黨入之於秦其吏民皆安為趙不欲為秦有

城市邑十七願再拜入之趙聽王所以賜吏民王大喜

召平陽君豹告之曰馮亭入城市邑十七受之何如對

曰聖人甚禍無故之利王曰人懷吾德何謂無故乎對

曰夫秦蠶食韓氏地中絕不令相通固自以為坐而受

上黨之地也韓氏所以不入於秦者欲嫁其禍於趙也

秦服其勞而趙受其利雖疆大不能得之於小弱小弱

顧能得之於疆大乎豈可謂非無故之利哉且夫秦以

牛田之

集解徐廣曰一無之字正義秦蠶食韓氏國中斷不通夫牛耕田種穀至秋則收之成熟之義

也言秦伐韓上黨勝有日矣

水通糧

正義秦從渭水漕糧東入河洛軍擊

韓上黨也蠶食上乘倍戰者

正義乘承證反蠶食桑葉漸進必盡也司馬法云百畝為夫夫

三為屋屋三為井井十為通通十為成成出革車一乘
七十二人也上乘天下第一也倍戰力攻也韓國四戰
之地軍士慣習倍於餘國

也正義上國秦地也言韓上黨之地以列為秦國之地
其政已行趙不可與秦作難必莫受焉亭十七邑也

王曰今發百萬之軍而攻踰年歷歲未得一城也今以

城市邑十七幣吾國此大利也正義馮亭將十七邑入
趙若幣帛之見遺此大

利趙豹出王召平原君與趙禹而告之對曰發百萬之

軍而攻踰歲未得一城今坐受城市邑十七此大利不

可失也王曰善乃令趙勝受地告馮亭曰敝國使者臣

勝敝國君使勝致命以萬戶都三封太守正義爾時未
漢景帝始加太守

此言太衍字也千戶都三封縣令皆世世為侯吏民

皆益爵三級吏民能相安皆賜之六金馮亭垂涕不見

使者曰吾不處三不義也為主守地不能死固不義一

矣入之秦不聽主令不義二矣賣主地而食之不義三

矣趙遂發兵取上黨集解駟案漢書馮奉世傳曰趙封
馮亭為華陵君與趙將括距秦戰

死於長平宗族由是分散或在趙在趙者為官師將官
師將子為代相及秦滅六國而馮亭之後馮無擇馮去

疾馮劫皆為秦將相焉漢興馮唐即代相之廉頗將軍
子也上黨記云馮亭冢在壺關城西五里

軍長平正義括地志云長平故城在澤州高平
縣西二十一里即白起敗括於長平處

七年廉頗免而趙括代將秦人圍趙括趙括以軍降卒四十餘

萬皆阬之王悔不聽趙豹之計故有長平之禍焉王還

不聽秦秦圍邯鄲集解徐廣曰在九年武垣令集解徐廣曰河間
有武垣縣本屬涿

乾隆四年校刊

史記卷四十三

世家

五

郡正義括地志云武垣故城今瀛州城是也傳豹王容蘇射率燕眾反燕地

正義武垣此時屬趙與燕接也封楚相春申君八年平原君如楚請救還楚來救及

魏公子無忌亦來救正義魏公子傳云趙王以鄙為公

救邯鄲圍在九年秦圍邯鄲乃解十年燕攻昌壯集解徐

年其文錯誤耳在冀州信都縣西北五里此時屬趙故攻之也五月拔

之趙將樂乘慶舍攻秦信梁軍破之集解徐廣曰年表

信梁秦將也正義信梁蓋王齧號也秦本紀云昭襄王

五十年王齧從唐拔寧新中寧新中更名安陽今相州

理縣也年表云韓魏楚救太子死集解徐廣曰是年周

趙新中軍秦兵罷是也太子死太子死集解徐廣曰是年周

天子乎索隱趙而秦攻西周拔之徒父祺出索隱徒父

太子也史失名而秦攻西周拔之徒父祺出索隱徒父

祺十一年城元氏集解地理志常山有元縣上原武陽

君鄭安平死集解徐廣曰故收其地十二年邯鄲屠燒

集解徐廣曰屠廐之名音膾也十四年平原君趙勝

死索隱年表十五年以尉文封相國廉頗為信平君索隱

尉文蓋地名或曰尉官文名謂以尉文所食之地以封

廉頗也古文質畧文省耳正義尉文蓋蔚州地也信平

號也燕王令丞相栗腹約驩以五百金為趙王酒還歸

報燕王曰趙氏壯者皆死長平其孤未壯可伐也王召

昌國君樂閒而問之對曰趙四戰之國也其民習兵伐

之不可王曰吾以眾伐寡二而伐一可乎對曰不可王

曰吾即以五而伐一可乎對曰不可燕王大怒羣臣皆

乾隆四年校刊

史記卷四十三 世家

集

以為可燕卒起二軍車二千乘栗腹將而攻鄒卿秦將

而攻代索隱二人皆燕將姓名廉頗為趙將破殺栗腹虜卿秦樂

閒正義三人皆燕將姓名十六年廉頗圍燕以樂乘為武襄君正義

襄舉也上也言樂乘功最高也十七年假相大將武襄君攻燕圍其國

十八年延陵鈞集解徐廣曰代郡有延陵縣率師從相國信平君助

魏攻燕秦拔我榆次集解徐廣曰在太原三十七城十九年趙與

燕易土索隱音亦謂與燕換易縣也以龍兌汾門臨樂與燕集解徐廣曰龍

兌汾門在北新城方城有臨鄉正義括地志云北新城

故城在易州遂城縣西南二十里按遂城西南二十五

里有龍山邢子勵趙記云龍山有四麓各有一穴大如

車輪春風出東秋風出西夏風出南冬風出北不相奪

倫按蓋謂龍兌也汾門括地志云易州永樂縣有徐水

出廣昌嶺三源奇發同瀉一澗流至北平縣東南歷石

門中俗謂之龍門水經其間奔激南出觸石成井蓋汾

字誤也遂城及永樂北新城地也臨樂括地志云臨鄉

故城在幽州同安六十七里燕以葛武陽平舒與趙集解徐廣曰葛

在代郡正義括地志云故葛城又名西河城在瀛州高

陽縣西北五十里平舒故城在蔚州靈邱縣北九十三

里二十一年秦王政初立秦拔我晉陽二十一年孝成王

卒廉頗將攻繁陽取之集解徐廣曰在頓邱正義括地

東北二十七里應劭云志云繁陽故城在相州內黃縣使樂乘代之廉頗攻樂乘

繁水之北故曰繁陽也走廉頗亡入魏子偃立是為悼襄王悼襄王元年大備

集解徐廣曰一作脩正義魏欲通平邑中牟之道不成正義平邑

乾隆四年校刊

史記卷四十三

世家

正義括地志云易州遂城戰國時武遂城也方城故在幽州固安縣南十七里時二邑屬燕趙使李牧拔之也
秦召春平君因而留之泄鈞正義人為之謂文信侯曰

春平君者趙王甚愛之而郎中妬之故相與謀曰春平君入秦秦必留之故相與計而內之秦也今君留之是

絕趙而郎中之計中也君不如遣春平君而留平都正義括地志云平都縣在新興郡與陽周縣相近
春平君者言行信於王王必厚

割趙而贖平都文信侯曰善因遣之集解徐廣曰年表云太子從質秦歸
即春平君也城韓臯三年龐煖將攻燕禽其將劇辛四年龐煖將趙楚魏燕之銳師攻秦集解徐廣曰在新豐不拔移

攻徐取饒安集解徐廣曰在渤海又云饒屬北海安屬平原正義饒安滄州縣也七國時屬齊戰

國時屬趙五年傅抵正義上音付下將居平邑慶舍將東陽正義屬貝州河外師守河梁正義河外河南岸魏在河北岸

封長安君以饒正義即饒陽也瀛州饒陽縣東二十里饒陽故城漢縣也明長安縣是號也

魏與趙鄴九年趙攻燕取狸陽城正義按燕無狸陽疑狸字誤當作漁陽故城在檀州密雲縣南十八里燕漁陽郡城也按趙東界至瀛州則檀州在北趙攻燕取漁陽城也

罷秦攻鄴拔之集解徐廣曰今饒陽在河間
子幽繆王遷立幽繆王遷元年集解徐廣曰又云潛王襄王偃偃生今王遷年表及史考趙遷皆無諡索隱徐廣云王遷無諡今唯此獨稱幽繆王者蓋秦滅趙之後人臣竊追諡之太史公

城柏人二年秦攻武城集解徐廣曰年表云秦敗我平陽

扈輒率師救之軍敗死焉三年秦攻赤麗宜

安正義括地志云宜安故城在恒州橐城縣西南二十里也李牧率師與戰肥下却

之正義括地志云肥壘故城在恒州橐城縣西七里春秋時肥子國白狄別種也封牧為武安

君四年秦攻番吾正義上音婆又音盤又作蒲括地志云蒲吾城在恒州房山縣東二十里

也李牧與之戰却之五年代地大動自樂徐以西集解

日樂徐一作除北至平陰正義樂徐在晉州平陰在汾也臺屋墻垣大半壞地

坼東西百三十步正義其坼溝見在亦在晉汾二州界也六年大饑民譌

言曰趙為號秦為笑以為不信視地之生毛七年秦人

攻趙趙大將李牧將軍司馬尙將擊之李牧誅司馬尙

免趙忽及齊將顏聚代之趙忽軍破顏聚亡去以王遷

降正義淮南子云趙王遷流於房陵思故鄉則為作山木之謳聞之者莫不隕涕括地志云趙王遷墓在房

州房陵縣西九里也八年十月邯鄲為秦

太史公曰吾聞馮王孫曰趙王遷其母倡也集解徐廣曰邯鄲

之倡嬖於悼襄王悼襄王廢適子嘉而立遷遷素無

行信讒故誅其良將李牧用郭開豈不謬哉秦既虜遷

趙之亡大夫共立嘉為王王代六歲秦進兵破嘉遂滅

趙以為郡

索隱述贊曰趙氏之世與秦同祖周穆平徐乃封造父帶始事晉夙初有土岸賈矯誅韓厥立武寶符臨代卒居伯魯簡夢翟犬靈歌處女胡服雖疆建立非所頗牧不用王遷囚虜

君雖顯戮立非刑戮於不用王位
外卒吳伯魯簡後置大帝亦少
 父帶故事晉及百士輩賈誼
 索劉並贊曰誼及之世與本
 誼以爲勝

誼之寸大夫共立嘉為王王升六
誼之寸大夫共立嘉為王王升六
 誼之寸大夫共立嘉為王王升六

誼之寸大夫共立嘉為王王升六
誼之寸大夫共立嘉為王王升六
 誼之寸大夫共立嘉為王王升六

誼之寸大夫共立嘉為王王升六
誼之寸大夫共立嘉為王王升六
 誼之寸大夫共立嘉為王王升六

誼之寸大夫共立嘉為王王升六
誼之寸大夫共立嘉為王王升六
 誼之寸大夫共立嘉為王王升六

誼之寸大夫共立嘉為王王升六
誼之寸大夫共立嘉為王王升六
 誼之寸大夫共立嘉為王王升六

史記卷四十三考證

趙世家見西王母樂之忘歸索隱或曰地名在西域有

何據乎○臣照按爾雅觚竹北戶西王母日下謂之

四荒烏得謂無據乎

居原任國政索隱今鴈門原平縣也○原平監本作平

原考後漢書地理志改正

殺趙朔趙同趙括趙嬰齊○容齋隨筆曰春秋於魯成

公八年書晉殺趙同趙括於十年書晉景公卒相去

二年而史記乃有屠岸賈欲滅趙氏程嬰公孫杵臼

共匿趙孤十五年景公復立趙氏之說以年世考之

則自同括死後景公又卒厲公立八年而弒悼公公
立又五年矣其乖妄如是嬰杵臼之事乃戰國俠士
刺客所爲春秋時風俗無此也困學紀聞曰左傳正
義曰樂書將下軍則於時朔已死矣不得與同括俱
死也晉君明諸臣強無容有屠岸賈輒厠其間如此
專恣呂成公云史記失於傳聞之差是時晉室正盛
而云索莊姬子於宮中晉宮中自有紀綱不容如此
趙朔已亡而云與同括同時死以二者考之見其誤
趙朔妻成公姊有遺腹○考要曰同括死時已有趙武
史無遺腹之說又事出莊姬不關岸賈未知史遷何據

更立襄公會孫周集解徐廣曰年表云襄公孫也索隱
晉系家云襄公少子名周○晉世家云悼公周者其
大父捷襄公少子也與此同與索隱不符年表亦脫
曾字與此異

嬴姓將大敗周人於范魁之西正義取衛都鄙○監本
訛作衛取都鄙今改正
吾有所見子晰也索隱簡子見當道者乃寤曰嘻是故
吾前夢所見者知其名曰子晰也○徐孚遠曰吾見
子晰者蓋言夢中見子甚明白也不謂其人名晰

簡子曰奏之○簡監本訛作節今改正

晉定公之十四年范中行作亂○余有丁曰范中行氏
囚邯鄲午而作亂其說見下此先言之誤

陰令宰人各以料擊殺代王及從官集解徐廣曰一作
吾雒○臣照按徐孚遠曰本文各字蓋言殺代王及其

從官各用銅料擊之也徐廣曰一作雒則以雒為宰

嬴人名也今按徐廣說是蓋以料擊殺代王者猶寘劍

魚申之類代王既死其從官之被殺固不必問其用

何器矣寧有令庖人盡持料以為戰具之理耶

唯高共集解徐廣曰一作赫○韓非子及淮南人間訓

更作高赫呂氏春秋作高赦

敗齊于靈邱集解地理志曰代郡有靈邱縣○余有丁

曰此靈邱齊地非代郡之靈邱○武林曰是

命乎命乎曾無我嬴○列女傳作命兮命兮逢天時而

生曾莫我嬴嬴山惠曰卒與吳封故當五室至卷九

十八年秦武王與孟說舉龍文赤鼎絕臄而死○按年

表在十九年

寵有孝悌長幼順明之節○戰國策作窮有辭讓之節

禹袒裸國○按戰國策云禹袒入裸國五美詩安平裸

王縹○戰國策作王孫縹鞏翁貫曰安平縹縹西育

兄弟之通義也集解徐廣曰兄弟一作元夷元始也夷

只平也○戰國策作先王曰只策一非示夷示故也夷
吾國東有河薄洛之水集解徐廣曰安平經縣西有漳
水津名薄洛津○按秦藩本此下有正義按安平縣
屬定州也共八字之增○戰國策非讓齊韓魏之增
仇液之韓○戰國策作仇赫

王十五年惠后卒索隱謂武靈王之后前太子章之母
惠文王之嫡母也惠后卒後吳娃始當正室至孝成
命平年稱惠文后卒是也而下文又云吳娃死後娃子
何寵衰故太子欲兩王之是誤也○卮林日子長旣
頌云是爲惠后又云卅七年立王子何爲王是爲惠

惠文王惠文王惠后吳娃子也又云吳娃死後子何寵
衰反覆著明則此二十五年卒者其爲孟姚無疑不
得以爲子章母也若惠文后卒者是惠文之后故稱
惠文后耳自春秋夫人及歷代帝王妃后諡皆從夫
或別自易諱未有從其子諡者而獨子何之母仍子
徽稱歷考古今未聞斯典○戰國策非又曰
主父死惠文王立○徐孚遠曰主父已傳位於子此云
惠文王立誤也其則事出於齊而與王
怨毒積怒非素深於齊也○戰國策作怨毒積惡非曾
且深陵於韓也昔以事王出五美以鼓王爲事出而秦

且齊之所以伐者以事王也正義以趙王爲事也而秦
惡必伐之也○徐孚遠曰此注不明蓋言齊之所以見
惡於天下者以其服事趙也故下云齊倍約而殉王
主之患爲齊解於趙語平遠曰主父與趙並於此云
反高平根柔於魏反豎分先俞於趙○戰國策作反溫
軹高平於魏反三公什清於趙而歸于何之毋以子
左師觸龍言願見太后○臣照按說苑桀臣有左師觸
龍荀子議兵篇微子開封于宋曹觸龍斷於軍觸龍
古有是名戰國策作觸讐并下言字作孟字蓋誤也
老婦恃輦而行索隱束皙云趙惠文王子何者吳廣之

昔甥娃嬴之子也如系家計之則武靈王十六年夢吳
秦娃而納之至趙十七年王薨及惠文王三十二年卒
孝成王元年遣長安君質於齊若娃年二十八入王宮
至此在其中左側亦可稱老矣而束廣微言太后纔
三十有奇者誤也○危林曰以惠文后爲吳娃則長
子安君主父之子也至是時已三四十歲矣尚需其母
育愛憐之乎吳娃以主父十六年入宮子何之生應在
十七年則至十七年惠文爲王已得齡十一二矣惠
文王三十三矣上去東宮時十歲年五至孝成元年
合得四十六年使王后長于惠文理亦有老卽與惠

史記卷四十三 秦本紀
五
且交並歲亦已望五十矣素問女子六七面皆焦髮始
白七七形壞無子何得不稱老婦以此而觀廣微謂
三十有奇果未爲得也文爲王曰昔者平公與惠
有城市邑十七○戰國策作七十入宮千回之主惠亦
七年廉頗免而趙括代將秦人圍趙括趙括以軍降卒
四十餘萬皆阬之○按年表阬卒在六年吳越限是
虜卿秦樂間○徐孚遠曰樂間以諫燕王不聽自歸趙
非戰敗被虜也吳安晉賈似齊昔哉平二十入王宮
秦召春平君○戰國策作春平侯惠文王三十二年卒
君不如遣春平君而留平都○戰國策平都下有侯字

吾聞馮王孫曰○馮唐傳云唐子遂字王孫與余善

文並歲亦已... 六七... 皆... 始

白七七形... 廣... 備

三十有... 亦... 也

有城市邑... 也

七年廉... 也

四十餘... 也

非... 也

秦... 也

史記卷四十三考證

史記卷四十三考證



